

BOEMAGARE MAGARENG

GA MABAKA A ŠUPAGO A

KEREKE LE MAHUTO A ŠUPAGO

 Mantšiboa a mabotse, bagwera. Ke mo—mo monyetla wo mogolo go ba morago mo ka ntlong ya Morena, bosegong bjo, ka tirelong, gomme re sa phela ka ma—ma mana go tšwa mosong wo, gore disoulo tša rena di be di šegofaditšwe gagolo ka Bogona bjo bogolo bja Gagwe. Gomme bjale, bosegong bjo, re na le . . . go thoma ka thuto ya: *Boemagare Magareng Ga Mabaka A Šupago A Kereke Le Mahuto A Šupago*.

² Gomme ke be ke no bolela, morago ga sekgalela se, go mogwera. Gomme mohlomongwe, Morena ge a rata, nako ye nngwe selemo se, ge A sa ntšeеле Gae, goba—goba, ke swanetše go tla morago, go se ye mošwamawatle goba se sengwe, ke rata go ratha gape ka go Diphalafala tše šupa tša mafelelo, le a bona. Gomme yohle e dira leporogo mmogo. Gomme—gomme gona go ne Dikotlo tše šupago tša mafelelo ka go ye. Gomme yohle e hlakana mmogo, bjalo ka ge re tla bona ge re eya mmogo.

³ Kafao, bosegong bjo, ge re sa le mohuta wa go homotšwa . . . Nka no ba yo motelele gannyane bosegong bjo. Ebile . . . Ka pela ge ke fihla morago mo, bjale . . . Thero yohle ke e dirilego ka Phoenix, ga se ka tsoge nako e tee ebile ke bile makgwakgwaa, le a bona. Yeo ke nnete. Gomme, oo, nna, ke rerile thata bjang! Gomme ka gore, ke a dumela, e be e le ditirelo tše masomepedi šupa, ntle le go ba makgwakgwaa. Eupša ke klaemete mo, le a bona. Feela ga bonolo, go no ba go gobe thwi fa, feela moedi. E no ba seemo se sebe morago mo, gomme, sa go phelega, le a tseba, se ke se rago, ke—ke—ke se sebe. Gomme moreri e ka ba mang o na le . . . yo a bolelago, o na le mogolo wo mobe, sa mathomo.

⁴ Mo—mo mogwera ngaka wa ka o lebeletše ka mogolong wa ka, nako ye nngwe, go bona se se bego se fošagetše. O rile, “Ga go selo.” O rile, “Le no ba le maphone go digolwane tša lena fale.” O rile, “Seo ke go go rera.” Gabotse, ke—ke—ke mohuta wa go rata seo, le a tseba. Seo se ntirile ke ikwele bokaone, ge feela se ka šomišwa go rera, le a bona. Go tla loka, bakeng sa Mmušo wa Modimo.

⁵ Bjale, re ka no se kgone go rwala ka mmeleng wa rena leswao la Je— . . . la Jesu Kriste, go swana le ge Paulo a dirile, go tšwa go itiweng. Eupša re ka no rwala leswao la rena go rera le go fa segalontšu sa rena kgahlanong le dilo tše di fošagetšego. Kafao,

re a leboga gore ga ra swanelo go iteiwa gape, gagolo godimo go nako ye. Kafao re—re . . .

⁶ Ke ba bakae ka mo ba badilego *Ke Nako Mang, Bahlomphegi?* Goba, ba e kwelego, le a tseba, *Ke Nako Mang, Bahlomphegi?* Seo se ntshwentshe nthatana kudu. Ge o se wa ke, ke a duma, ka tsela ye nngwe, ge o ka kgona go e kwa, goba ka tsela ye nngwe. Mohuta wa go ntshwenya. Ke be ke no nyaka go lahla se pele ke thoma tirelo. E ka ba—e ka ba beke goba matšatši a lesome a go feta, ke be ke tshwenyegile kudu. Ke no . . . Ke—ke—ke nno se ke, nka se tšeet ditirelo goba e ka ba eng, gobane ke—ke be ke sa e tsebe. Go bonagetše o ka re e be e ka kgona go ba se sengwe seo se bego se befile, gomme ke be ke sa tsebe feela se e bego e le sona. Kafao ke . . .

⁷ Mosong wo mongwe ka leselaphutiana, ke tsogile, go ya godimo ka Sabino Canyon. Yeo, go tšwa ntlong, e no ba feela e ka ba go otleta metsotso ye masometharo go ya go . . . goba masomenne, go ya hlogo ya Sabino Canyon, gona go ne tsela ye e kitimago dimaele tše masometharo godimo ka thabeng.

⁸ Naga ya go se tlwaelege, godimo kua. Nka kgona go ba mo leganateng, moo go lego masomeseswai le masomesenyane, thwi bjale, gomme mo metsotsong ye masometharo go ba ka go kgato tše seswai tša lehlwa, le a bona, ka godimo ga thaba. Re be re le ka Phoenix, feela kgauswana, moo e bego e le masomepedi se sengwe, digrata tše masomepedi seswai. Ba be ba na le mogobe wa go thutha o be a huthumaditšwe, gomme batho ba thutha. Gomme e ka ba go otleta metsotso ye masomenne go tloga fao, e be e le masomenne ka fase ga lefeela, ka Flagstaff. Le a bona? Yeo ke phapano go tšwa go maphotho le leganata. Gomme a phelegile kudu bakeng sa ba asma, le go ya pele.

⁹ Eupša, bjale, ke ile godimo ka mphorogohlong, gomme ke nameletše godimodimo ka fao ke bego ke kgona go ya. Gomme ke—ke—ke kgopetše Morena, ge ke dutše godimo ka kua, se sohle se se bego se se ra, le go ya pele. Ke be ke le mohuta wa go hlobaela, gomme ke sa tsebe feela se ke swanetšego go se dira.

¹⁰ Gomme kafao ge ke be ke rapela; selo sa go tlabo se diregile. Ke—ke—ke nyaka go botega. Bjale, nka no be ke ile ka robala. Go ka no be go bile boka mantladima, goba go ka no be go bile po—po—po pono. Ke kudu goba bonnyane go eleletsa go dumela gore e be e le pono. Gore, ke bile le diatla tša ka ntle, ke re, “Morena, mothuthupo wo o ra go reng? Gomme Barongwa ba ba šupago ba ba dira eng ka go kgobokano ya—ya phiramiti, go ntopa go tloga mobung le go retologela go leba bohlabela, e ra go reng?”

¹¹ Ke be ke eme fale, ka thapelang, gomme se sengwe se diregile. Gomme, bjale, se sengwe se wetše ka seatleng sa ka. Gomme ke a tseba, ge le sa kwešiše dilo tša semoya, di ka no bonala go se tlwaelege kudu. Eupša se sengwe se rathile ka seatleng sa ka. Gomme, ge ke lebeletše, e be e le tšoša. Gomme maswaro a

dirilwe ka pheta, pheta ye botsebotse nkilego ka e bona. Gomme mo—mo mohlapetši, le a tseba, moo... ke a thankā go swanetše go tloša diatla tša gago go ngwapega, le a tseba, ge le sa... ba—ba batho ba be ba elwa; e be e le gauta. Gomme bogale bja sabola e be e se botelele kudu, eupša e be e no ba bogale bja legare; gomme e be e le silibere ya go phatsima. Gomme e be e le selo se sebotsebotse kudu nkilego ka se bona. Se no lekanela seatla sa ka tlwa. Gomme ke be ke e swere. Ke rile, “A yeo ga se ye botse!” Ke e lebeletše. Gomme ke naganne, “Eupša, le a tseba, ka mehla ke boifa tšoša.” Ke be ke thabile gore ke be ke phela ka ntle ga matšatši ao ba bego ba di šomiša, ka gore ke—ke boifa thipa. Gomme kafao ke—ke naganne, “Ke tla dira eng ka yeo?”

¹² Gomme ge ke swere, ka seatleng sa ka, Segalontšu go tšwa felotsoko se rile, “Yeo ke tšoša ya Kgoši.” Gomme ka gona e ntlogetše.

¹³ Gabotse, ke—ke maketše se e bego e se ra, ““Yeo ke tšoša ya Kgoši.”” Gomme ke naganne, “Ge nkabe Se rile, ‘tšoša ya kgoši,’ go ka be go bile gore nkabe ke e kwešišitše. Eupša Se rile, ‘tšoša ya *yena* Kgoši.’” Kafao nka no se be le ye gabotse, eupša ke naganne, “Go ne yo Motee feela, *yena* Kgoši, yoo ke Modimo. Gomme tšoša ya Gagwe ke Ye, ‘Ye bogale go feta tšoša ya magalemabedi,’ le a bona. ‘Gomme le dula ka go Nna, gomme Mantšu a Ka . . .’” Le a bona? Gomme ke—ke naganne . . .

¹⁴ Ka go lweng, le a bona, gomme bjalo ka ge ke le ka tlase—... ga ke kwešiše lentšu le tee la yona, eupša, goba kokwane e tee ya go lwa. Eupša, bokaonekaone bja kwešišo ya ka, thipa e ratha go kgabaganya. Gomme ka gona, mafelelong, di—di ditšoša, ge ba notlela, lenaba le wena le notlela ditšoša, ka mokgwa wo, gona go tšea maatla a motho a lwago. Gobane, le a bona, tšoša ya gagwe e tla lebanthwa go pelo ya ka, le ya ka go ya gagwe, eupša e notletšwe, ge dithipa tša rena di rathana seng sa tšona. Gomme ka gona di a ratha, gomme ka gona ditšoša tša tla mmogo. Gomme yo motee yo a ka kgonago go kgoromeletša yo mongwe fase, tšoša e thwi go pelo. Kafao go tšea . . .

¹⁵ Le ge tšoša e le Lentšu, go tšea seatla sa tumelo ye maatla go Le swara fao, go Le tliša pelong ya lenaba. Bjale, go se tsebe dilo tše, eupša feela . . . Tšohle tše ke di amogetšego tša Gagwe, tše nka kgonago go di bolela, ke le boditše. Kafao, seo, le a tseba, ke a dumela e be e le . . . A e be e se Morena wa rena a boletšego, tšohle tše A di amogetšego go Tate, tše A di boletšego, gomme a se lobe selo? Gomme—gomme kafao re nyaka go dira dilo tše feela ge di etla. Bjale, ge le ka ba bohlale ka kgontha, gomme la rapela, ke ne kgontha le tla kwešiša se sengwe ka pela gabotse, bjale, se sengwe seo ke holofelago se utolotšwe.

¹⁶ Bjale, ka go Puku ye, a re phetleng bjale go te—te tema ya 5 ya Puku ye e bitšwago Kutollo ya Jesu Kriste.

¹⁷ Bjale, gosasa bošego ke Lehuto la Pele. Yeo, Mahuto a mane a pele a butšwe, ke banamedi ba bane ba dipere, yo motee godimo ga Lehuto le lengwe le le lengwe le le rathago lefase. Gomme ka gona, mohlomongwe, a ka se be botelele, go fihla ka morago ga ge re fetile e ka ba . . . Mošupologo, Labobedi, Laboraro, e ka ba Labone. Ka gona, ke a nagana, ka la Boselela . . . le la Bohlano, la Boselela, le Lehuto la Bošupa, go molaleng e tla ba le letelele kudu. Kafao, mohlomongwe go tla go fa nako ye nnyane go swara go khutša go gonnanyane.

¹⁸ Re nepile go thoma ditirelo fa, ke a dumela, go a šupago, go mašego a beke. Gomme ke swanetše go ba sefaleng ka seripagare sa bošupa, tlwa. Gomme ka gona seo se ka re ntšhetša ntle ka bošegogare. Kafao—kafao, ke—ke ile iri godimo, mosong wo. Ke be ke sa re seo, ke no . . . Ga ke tsebe neng.

¹⁹ Gobane, ga ke tsebe se monamedi wa mathomo a lego. Ga ke tsebe la Bobedi, la Boraro, la Bone, la Bohlano, la Boselela, goba Lehuto la Bošupa. Nna, go fihla go nakwana ye, ga ke tsebe. Le a bona? Ke nno tshepela go Yena. Kafao ke ka lebaka leo, go leka beke ye, ka mogau wa Modimo go thuša, go dumela seo, ge o kwešiša go teba . . .

²⁰ Le a tseba, ka diponong, o ka se kgone go utolla dilo go fihla o dumelitšwe go utolla. Ke makga a makae lena bohle le nkwelego ke re, “Eya ka ntlong, mohlomongwe kefa e be e letše fa. Gomme ngwana yo a itšego yo, goba go ya pele, a ka se fole go fihla yeo e laditšwe godimo mo.” Nka se kgone go ba botša, goba le nna nka se kgone go e šuthiša fao. E swanetše go ba, šutha, ka tsela ye nngwe. Yo mongwe gape o swanetše go e tsea le go e sepediša. Gomme, se sengwe le se sengwe lenaneong, gona se ka utollwa.

²¹ Kafao bjale ebang thapelong. Bjale, feela pele re batamela Puku, a re boleleng le Yena, ka dihlogo tša rena di inamišitswe.

²² Morena Jesu, ga ra lekanelka go felela. Re ka se leke, le ka mokgwa ofe, go batamela Puku ye kgethwa ye, ka go iri ye kgethwa ye yeo disoulo di lekelelago ka go bofihlo bja nako, ntle le go kgopela, Morena, gore, Yena a nnoši yoo a kgonago go utolla Puku ye, gore O tla pele bjale, a šegofatša maitapišo a go fokola a mohlanka wa Gago. Šegofatša Lentšu ge Le eya pele. A nke Le ye ka maatleng a Moya. Gomme anke lefelo la semoya la . . . bao ba swerwego ke tlala le go nyorelwa go tseba toko le go tseba thato ya Modimo, a nke Le wele ka kua le go hlagiša mohuta wa Lona. E fe, Morena. Tumišo yohle e tla ba ya Gago. A nke ba swerwego ke tlala le banyorilwego ba hwetše dijo le seno, bošegong bjo, go tšwa go Lentšu. Re e kgopela ka Leina la Jesu, Yo kutollo e lego ya Gagwe. Amene.

²³ Bjale, bjale re ya go phetla go tema ya 5. Bjale, ye ga se Mahuto a Šupago. Ke boemagare gare ga mabaka a kereke le Mahuto a Šupa. Bjale, gape go na le tema ya 6 ya . . .

²⁴ Gomme go bile le tema ya 4, a ke re, ya Kutollo, gomme, ka go yeo, go mohuta wa go utolla se sengwe seo se tla diregago ka morago ga ge Kereke e ile godimo. Gore, Kereke e ya godimo go tema ya 3 ya Kutollo, gomme ga e bowe go fihla tema ya 19 ya Kutollo. Le a bona? Kagona, Kereke e hlaiwa ke Tlaišego. Ke a tseba seo se kgahlanong le—le botse kgauswi le morutiši yo mongwe le yo mongwe nkilego ka bolela le yena. Eupša ga—ga—ga ke re go se kwane. Ke—ke ra go ba ngwaneno, eupša ke—ke swanetše go ruta feela ka mo nka kgonago go Le bona. Ge ke sa dire, nka se kgone go Le bea mmogo, le a bona. Gomme bjale, ge eba E ya godimo pele ga Tlaišego goba ka morago ga Tlaišego, ke nyaka go ya godimo le Yona. Seo ke kgwekgwe ya selo.

²⁵ Kafao, dilo tše re—re no tše o ka re, gobane, ntle le thuto, ke a kaya. Ke a lebelela gomme ke bona se se lego, goba se bilego ka go Testamente ya Kgale, e lego sekai goba morithi wa ye Mpsha, gona ke na le kgopolo tsoko se ye Mpsha e lego. Le a bona? Boka ge... Noage o ile ka arekeng pele tlaišego e tsena, sekai; eupša le pele ga Noage, le a bona, a ile ka arekeng, Henoge o ile godimo, le a bona, pele ga ge e ka ba eng e direga. Gomme Loto o bileditšwe ntle ga Sodoma pele ga ge tshetlana e tee ya tlaišego e tsena, ya tshenyego; eupša Abraham o be a le, nako yohle, go tšwa go yona. Le a bona, dikai.

²⁶ Eupša bjale re tla bala temana ya 1. Ke tla bala ditemana tše pedi goba tše tharo tša Yona tša mathomo.

Gomme ke bone ka seatleng se setona sa yena yoo a dutšego godimo ga terone puku e ngwadilwe ka gare le ka morago, e bofilwe ka mahuto a šupago.

Gomme ke bone morongwa yo maatla a goeletša ka segalontšu sa godimo, ke Mang a nago maswanedi go bula puku, le go bofolla mahuto a yona?

Gomme ga go motho legodimong, goba ka lefaseng, ešita ka tlase—ešita ka tlase ga lefase, a bego a kgon a go bula puku, ešita le go lebelela go Yona. (A Puku!)

Gomme ke llile kudu, gobane ga go motho a hweditšwego a ne maswanedi go bula le go bala puku, le go lebelela ka go yona.

²⁷ Bjale, le bolela ka go se swanele? “Ebile go se be le maswanedi go E lebelela; go se motho, e ka ba kae.”

Gomme yo mongwe wa bagolo o rile go nna, Se lle: bona, Tau ya leloko la Juda, Modu wa Dafida, o fentše go bula puku, le go bofolla mahuto a šupago a yona.

Gomme ke lebeletše, gomme, bonang, mo magareng ga terone le dibata tše nne,... mo magareng ga bagolo, go eme Kwana e ke e hlabilwe, e na le dinaka tše šupago le mahlo a šupago, e lego Meboya ye e šupago ya Modimo e rometšwego pele ka lefaseng lohle.

*Gomme o tlie a tšea puku go tšwa seatleng se setona
sa yoo a dutše go teroneng.*

²⁸ Re tla khutša fale lebaka la dinakwana di se kae, go tšwa go palo ya Kutollo 5, tlase go go akaretša temana ya 7.

²⁹ Puku ye ya Mahuto a Šupago e utolotšwe mo nakong ya Medumo ye Šupa ya Kutollo 10, bjale, ge o e maraka fase. A re phetleng go Kutollo 10, feela nakwana, gore le tle le hwetše kwešišo pele re tsena ka go yona. Bjale, ye ke nakong ya bofelo. Ka gore, theetšang:

*...Ke bone morongwa yo mongwe yo maatla a
fologa go tšwa legodimong, a apere leru: gomme
molalatladi... godimo ga hlogo ya gagwe,...*

³⁰ Ge le ka hlokomela, yoo ke Kriste, le a bona. Ka gore, Yena, ka go Testamente ya Kgale, o be a bitšwa Morongwa wa Kgwerano. Gomme O tla thwi go Bajuda bjale, ka gore Kereke e fedile. Le a bona? Go lokile.

*...gomme sefahlego sa gagwe... bjalo ka ge go bile
letšatši, le maoto a gagwe bjalo ka dipilara tša mollo:*

³¹ Le elelwa Morongwa yola ka go Kutollo 1? Selo sa go swana. *Morongwa* ke “motseta.” Gomme Yena ke Motseta go Israele. Le a bona? Kereke e hlatlošitšwe, le a bona, bjale, goba e lokišetšwa go hlatlošwa. O tlela Kereke ya Gagwe. Bjale šetšang.

*Gomme o be a swere ka seatleng sa gagwe puku ye
nnyane e bulegile:...*

³² Bjale, *fa*, E be e tswaletšwe fa le go tswalelwā; gomme *fa* E bulegile. E butšwe. Ge e sa le nako yela ya go tswalela, re tla ka go yona bošegong bjo, bjale Puku e bulegile. “Puku ye nnyane ka seatleng sa Gagwe, ka go sa Gagwe... E be e bulegile. Oo, ka fao letšatši, bjalo ka dipilara...” Letang motsotso feela. A nke ke thome morago mo gomme ke bale.

*Gomme o be a swere ka seatleng sa gagwe puku ye
nnyane e bulegile: gomme o beile leoto la gagwe le letona
godimo ga lewatle, gomme leoto la gagwe le letshadi
godimo ga lefase,*

*Gomme o goeleditše ka segalontšu se segolo, bjalo ka
ge tau e rora:...*

³³ Re a tseba Yena ke Tau ya leloko la Juda. Godimo *mo* Yena ke Kwana; eupša *mo* Yena ke Tau. Le a bona?

*...gomme ge a goeleditše, medumo ye šupa ya kwatša
mantšu a yona.*

³⁴ Bjale, Johane o be a romilwe go ngwala se a se bonego, gore moapostola, le moprofeta, a topa pene ya gagwe go E ngwala.

*Gomme ge medumo ye šupa e kwaditše mantšu a
yona, ke be ke le kgauswi le go ngwala: gomme ka kwa
segalontšu se etšwa legodimong se re go nna, Tswalela*

dilo tše medumo ye šupa e di boletšego, gomme o se ke wa di ngwala.

³⁵ Bjale, seo ke se re sa se tsebego. Seo se sa tlo utollwa. Ga se ka go Lengwalo le Lekgethwa, se yona Mediumo e se bolelago.

Gomme morongwa yo ke mmonego a eme godimo ga lewatle le godimo ga lefase o phagamiseditše diatla tša gagwe godimo legodimong, (bjale theetsang)

Gomme a ena ka yena yo a phelago go ya go ile le go ya go ile, yo a hlotšego magodimo, le dilo tše di lego ka go wona, le lefase, le dilo... di lego ka go lona, gomme... go ka se sa ba nako gape:

³⁶ Šetšang! Temana še ke nyakago go ya go yona.

Eupša ka matšatšing a segalontšu sa morongwa wa bošupa, ge a tla thoma go galagatša, sephiri sa Modimo se tla be se fedile, bjalo ka ge a boditše baprofeta bahlanka ba gagwe.

³⁷ Bjale, le a bona, sephiri sa Puku ye ya Mahuto a Šupago seo tla utollwa mo go galagaleng ga Molaetša wa morongwa wa bošupa. Le a bona? "Morongwa wa bošupa o thoma go galagatša," gomme fao go Melaetša e ngwadilwe ntle kua, gomme re na le Wona ka go theipi le sebopego sa puku. Bjale, "Mathomong a go galagatša Molaetša, sephiri sa Modimo se tla be se fedile, le a bona, ka nako yeo." Bjale re tla lemoga. Puku, ya sephiri sa Modimo, ga se ya utollwa go fihla Molaetša wa morongwa wa bošupa o galagatšwa.

³⁸ Bjale, dintlha tše di tla ba bohlokwa ka go Mahuto, ke na le nnete, ka gore E swanetše, nthatana ye nngwe le ye nngwe, go tlemagana mmogo.

³⁹ Bjale, E ngwadilwe ka sephiri, gobane ga go motho, e ka ba kae, a E tsebago. Modimo a mnoši, Jesu Kriste, le a bona. Bjale, eupša ke... Ke Puku, Puku ya sephiri. Ke Puku ya Topollo. Re tla tla ka go yeo, mo nakwaneng ye nnyane. Gomme bjale re a tseba gore Puku ye ya Topollo e ka se kwešišwe ka go tsenelela; E tsinketšwe, go kgabola mabaka a tshela a kereke. Eupša mafelelong, ge morongwa wa bošupa a thoma go galagatša sephiri sa gagwe, o tatolla godimo tšohle tša dintlha tše di tlemologilego tše balsa ba ba di tsinketšego. Gomme diphiri di tla fase go tšwa go Modimo, bjalo ka Lentšu la Modimo, le go utolla kutollo yohle ya Modimo, gona Modimohlogo le se sengwe le se sengwe gape se rarolotšwe. Ka moka diphiri, peu ya sephente, le eng kapa eng go feta, e swanetše go utollwa.

⁴⁰ Bjale, le a bona, ke no se ithomele seo. Seo ke se... Ke O RIALO MORENA. Ke tla E bala go lena go tšwa Pukung, "Go galagatšwa ga Molaetša wa morongwa wa bošupa, sephiri sa Modimo se tla be se fedile, seo se boletšwego ke baprofeta ba Gagwe ba bakgethwa," bao ke baprofeta ba ba ngwadilego

Lentšu. Go galagatšwa, ga lebaka la kereke la bošupa, lebaka la mafelelo la kereke, tšohle dintlha tša go tlemologa, tše go kgabola mabaka a a kereke di tsinketšwego, di tla tatagana mmogo.

⁴¹ Gomme ge Mahuto a kgaotšwe, gomme sephiri se utolotšwe, Morongwa o theoga, Motseta, Kriste, a bea leoto la Gagwe godimo ga naga le godimo ga lewatle, le molalatladi godimo ga hlogo ya Gagwe. Bjale, elelwang, morongwa yo wa bošupa o lefaseng ka nako ya go Tla mo.

⁴² Feela bjalo ka ge Johane a be a efa molaetša wa gagwe, nako ya go swana yeo Mesia a tlilego mo matšatšing. Johane o tsebile o be a tla Mmona, gobane o be a eya go Mo tsebiša.

⁴³ Gomme re lemoga gore, ka Mangwalong, godimo ka go Maleaki 4, go swanetše go ba yo mongwe boka Johane, e—e Eliya yo Lentšu la Modimo le kgonago go tla go yena. Gomme o swanetše go utolla, ka Moya wo Mokgethwa, ka moka diphiri tša Modimo, le go bušetša Tumelo ya bana morago go tumelo ya botate ba boapostola, go bušetša morago diphiri tšohle tše di bego di tsinketšwe, go kgabola mengwaga ye ya kerekelina. Bjale, seo ke se Lentšu le se boletšego. Ke no ba le boikarabelo bja se Le se boletšego. Le a bona? Go—Go ngwadilwe, ke nnete. Seo ke se Le lego.

⁴⁴ Bjale, re bona gore Puku ye ya Mahuto a Šupago, bjale, ke sephiri sa topollo. Ke Puku ya Topollo, go tšwa go Modimo.

⁴⁵ Bjale, diphiri tšohle, ka nako ye, di swanetše go be di fedile ka go galagatša ga motseta yo. Bjale, šo morongwa lefaseng; le “yo mongwe” Morongwa, Motseta yo maatla, o a theoga. Le a bona, morongwa *yo* e be e le morongwa wa lefaseng, motseta; eupša *mo* go tla Yena go theoga go tšwa Legodimong, kgwerano ya molalatladi, le a bona, Kriste a nnoši e ka kgonago go ba.

⁴⁶ Feela tlwa boka go bile ka go Kutollo, tema ya 1, “Go emeng ka magareng ga Dihlomakerese tše Šupago tša Gauta, le molalatladi, go lebega bjalo ka letlapa la jasepere le saritini.”

⁴⁷ Gomme šo O bowa morago, ka go tema ya 10, ka morago ga go tla ga nako gore ka moka diphiri di tla be di fedile gomme Mahuto a tla be a kgaotšwe, le go kwalakwatsa gore ke, “Nako ga e sa le gona.” Gomme O rile, “Ge morongwa wa bošupa a thoma go galagatša, gona sephiri se tla be se fedile, gomme ke nako go Morongwa go tšwelela.” Re kgauswi, felotsoko. Nnete. Bjale hlokomelang.

⁴⁸ Mahuto a Šupa a swere sephiri sa Puku. Go fihla re kgonago go bona se Mahuto a Šupa ao a tswaletšego ka go sona, re no tsea gore ka tšona dilo. Gobane, bjalo ka ge ke le boditše, mosong wo, godimo ga Molaetša wa ka wo monnyane mosong wo, wa Modimo o iphihlile mo bonolong. Le a bona, re—re... Re na le nnete go foša selo ntle le ge Se utolotšwe ka go felela, se utolotšwe ka mmapale ka Moya wo Mokgethwa, le go hlatsela go swana.

Le a bona? Ge moprofeta a tsoga le go le botša gore Ye e no ba Yela, gomme Modimo ga a hlatsele go swana, e lebala. Le a bona? Eupša Modimo, ka go setatamente se sengwe le se sengwe, ka go se sengwe le se sengwe, o swanetše go Le hlatsela, go Le dira le loke. Le a bona? Kafao, bana ba Gagwe ba tla šetša dilo tše, le a bona, le go phafoga, go hlokomela.

⁴⁹ Mahuto a Šupago go Puku, a ne . . . Mahuto a Šupago a a ne Puku e tswaletšwe. Le a bona? Puku e tswaletšwe ka go felela. A le a e bona? Puku ka go felela ke Puku ye e tswaletšwego go fihla Mahuto a Šupa a kgaotšwe. E tswaleletšwe ka Mahuto a Šupa. Bjale, yeo e fapania le Mediumo ye Šupa. Le a bona? Le ke Mahuto a Šupa godimo ga Puku. Gomme Puku e ka se ke, Mahuto a ka se lokollwe go fihla Molaetša wa morongwa wa bošupa. Le a bona? Kafao re—re tše o ka re; eupša kutollo ya mmapale ya Modimo e tla dirwa go phethagala ka go go galagatšwa gola, Therešo ye e hlatseditšwego. Bjale, seo ke tlwa se Lentšu le se bolelago, “Sepiri se swanetše go be se fedile ka nako yeo.”

⁵⁰ Gomme Puku ye ya Mahuto a Šupago, elelwang, E be e tswaletšwe fa, ka go Kutollo tema ya 5, gomme ka go Kutollo tema ya 10 E bulegile.

⁵¹ Gomme bjale re ya go bona se Puku e se bolelago ka fao E bulwago. Gomme ga se ya dirwa go tsebja go fihla Kwana e tše Puku, gomme ya kgaola Mahuto, gomme ya bula Puku. Le a bona? Kwana e swanetše go tše Puku.

⁵² E utilwe. Bjale elelwang, “Ga go motho ka Legodimong, ga go motho ka lefaseng,” mopapa, pišopo, mokhadinale, mopotologi wa naga, goba e ka ba mang a lego, “a ka kgonago go kgaola wona Mahuto, goba go utolla Puku, eupša Kwana.” Gomme re tsinketše, le go tše o ka re, le go thitšwa, le go makala, gomme—gomme ke ka lebaka leo bohole re lego ka kgakanegong ye bjalo.

⁵³ Eupša ka tshepišo Kgethwa gore Puku ye ya Topollo e tla bulwa ka go phethagala ke Kwana, gomme Mahuto a yona a tla tlemollwa ke Kwana, mo matšatšing a mafelolo re phelago ka go wona bjale. Gomme ga se ya dirwa go tsebja go fihla Kwana e tše Puku gomme ya kgaola Mahuto. Gobane, elelwang, Puku e be e swerwe ka diatleng tša Yena yoo a dutšego godimo ga Terone. “Gomme Kwana e tla go Yena yoo a dutšego godimo ga Terone, gomme e tše Puku go tšwa seatleng sa Gagwe se setona.” Tše Puku! Oo, yeo e tebile. Re tla leka go e rarolla ge re ka kgona, ka thušo ya Moya wo Mokgethwa. Bjale re itshamile go Yena. Gomme re tla bona, moragwana, ke mo nakong ya bofelo, “Ge nako e fedile.”

⁵⁴ Ga go dikerekemaina di nago le tokelo bakeng sa tlhathollo ya Puku. Ga go motho a nago le tokelo go E hlatholla. Ke Kwana Yo a E hlathollago. Gomme Kwana ke Yena Yo a E bolelago, gomme Kwana e dira Lentšu go tsebja, ka go hlatsela le go tliša

Lentšu go Bophelo. Le a bona? Tlwa! Hlokamelang. Gomme ga se ya utollwa go fihla . . .

⁵⁵ Puku ye ga se ya utollwa go fihla mabaka a kereke le mabaka a kerekeleina a fedile, “gomme ga go sa na nako gape.” Le a e bona? E utollotšwe feela ka morago ga mabaka a kereke le mabaka a kerekeleina a fedile.

⁵⁶ Ke ka lebaka leo selo se logo ka go go hlakahlakana go go bjalo bošegong bjo. Le a bona, ba topa thuto ye nnyane, gomme ba kitima go tloga *mo* go ya lehlakoreng le tee, ba re, “Ye ke Yona!” Yo mongwe o topa godimo thuto ye nngwe, o kitima go tloga lehlakoreng *le*, o rile, “Ye ke Yona!” Gomme ye nngwe le ye nngwe e aga kerekeleina ka tlase ga yona, go fihla re eba le makgolo a dikerekemaina. Eupša go le bjalo, ka go yona yohle, go bona kgakanego, batho ba a makala, “Therešo ke eng?” Ge seo e se seemo feela lehono!

⁵⁷ Eupša ka gona O a tshepiša, gore, “Ge nako yeo e fedile, go tla ba go galagatšwa ga segalontšu sa morongwa wa bošupa, gomme morago Puku e tla utollwa, le a bona, mo nakong yeo.”

⁵⁸ Bjale, le se ke la re, ga go yo mongwe, “Bona batho ga se ba phološwa morago kua.”

⁵⁹ Eupša, diphiri, tšebo sego ba kgona go di kwešiša! Ka fao Modimo a kgonago go ba ba bararo gomme, efela, yo Motee! Ka fao Lengwalo le ka kgonago go re, “Kolobetšang Leineng la Tate, Morwa, Moya wo Mokgethwa,” gomme la retologa go dikologa gomme la re, “Kolobetšang Leineng la Jesu.” Le a bona? Oo, dilo tše ntši kudu! Efa a ka ja bjang apola gomme a hlola tshe—tshe tshenyo ya lefase ka moka? Le a bona? Dilo tše di ka ba bjang? Eupša diphiri tšebo di tshepišitšwe go utollwa ka nakong ya mafelelo.

⁶⁰ Ke bjo bonnyane, mafelelo a go tlemologa gore . . . Bahlabani ba bagolo ba ba tlie tiragalang, bjalo ka Irenaeus, le Martin, Mokgethwa Martin, le Polycarp, le ba go fapano, le Luther, le Wesley, le bohole ba. Le a bona? Bjalo ka ge ba tlie le go no phela botelele go lekanelo go—go mohuta wa go tliša seetša le go se phadimiša, eupša ba tlogetše dilo tše dintši ka—ka leswiswing. Go latela go tlie Lebaka la Pentecostal, go swana le Lebaka la Lutheran, gomme ba kitimela ntle go makabe. Eupša go le bjalo, go lokile, ga ba re ba be ba se ba loka. Ba be ba le. Eupša go ne mafelelo a go hlepho a šetšego, ao a sa kgonego go hlathollwa. Eupša ka gona ka go . . . Gobaneng? Mahuto ga se a kgaoga, go utolla ka go tsenelela se dilo tše di lego sona. Le a bona?

⁶¹ Eupša ka gona, ka go lebaka la mafelelo, diphiri tšohle tše di swanetše go rarologa le go neelwa ntle. Gomme Mahuto a tla bulwa ke Kwana, le go utollwa go Kereke, gomme ka gona nako ga e sa le gona. Le a bona? Go makatša bjang! Ka gona, Puku, gona, ke Puku ya Topollo. Ka gore, ka gona E ya pele . . .

⁶² Gomme re tla tliša ka gare, moragwana, ka fao ba dikete tše lekgolo masomenne nne ba tlišitšwego ka gare, le go ya pele. Go lokile. Yoo ke Mojuda.

⁶³ Bjale, bjale, Paulo. A re baleng gannyane nthatana. Ke hwetša a mangwe a Mangwalo a, gomme ke nagana re swanetše go—go A bala. Bjale a re phetleng bohole ba ren; Paulo, ka go Baefeso 1.

⁶⁴ Bontši bja bona ke ba bonago ba a ngwala. Ba na le dipuku tša bona le go ngwala Mangwalo fase, ba a swaya ka Beibeleng ya bona, bakeng sa ketane. Kafao, seo—seo se lokile. Ke rata le dire seo, gomme morago le ye gae le go ithuta Lona. Le a bona? Gomme—gomme ge o ithuta Lona, ka bowena, gona o tla—o tla Le kwešiša bokaonekaone. Le a bona? Go no ithuta Lona, le go kgopela Modimo go go thuša go kwešiša.

⁶⁵ Bjale a re baleng le—le Lengwalo ke le ngwadilego fa. Baefeso 1:13 le 14, bjale.

Ka go yena gape re tshepetšego, ka morago ga ge le kwele lentšu la therešo, le ebangedi ya phološo ya lena: ka go yena... ka morago ga ge le dumetše, le tswaleletswe ka Moya wo mokgethwa wa tshepišo,

Ye e lego tiišetšo ya bohwa bja ren a go fihla topollo ya thoto ye e rekilwego, go ya tumišong ya letago la gagwe. Le a bona?

⁶⁶ Bjale, ge re sa ne Mangwalo a bulegile, a re... Le a bona, Moya wo Mokgethwa mo, Wonamong, ke Setswalelo. Moya wo Mokgethwa ke Setswalelo. Gomme Setswalelo se laetsa (eng?) mošomo wo o feditšwego, Moya wo Mokgethwa e lego Setswalelo go motho ka motho. Gomme go motho ka motho yoo, ge a amogela Moya wo Mokgethwa, gona nako ya gagwe ya go tsetla e fedile, le a bona, gobane ke modiro wo o fedilego.

⁶⁷ Go swana le, ke be ke šomela khamphani ya ralawene, gomme re be re laiša dikoloi tša lepokisi ka dikotikoti le dilo tša go fapano go tšwa fapriking ya go tšhela ka dikotikoting. Gomme, eupša, ka gona, pele koloi yeo e ka kgona go tswalelwa, mohlahlofi o tlie go dikologa, go bona ge eba koloi yela e be e laišitšwe ka maleba. Ge go se bjalo, [Ngwanešu Branham o phaphatha diatla tša gagwe mmogo gatee—Mor.] lekga la mathomo e thulana mmogo le se sengwe, se tla šwalalanya dilo le go le roba, gomme—gomme khamphani ya ralawene e be e ne maikarabelo. Gomme mohlahlofi yola o tla leka se sengwe le se sengwe, go bona ge eba e be e le lefelo la maleba. Ge le be se, o ahlotše koloi. Nako yeo re be re swanela go e dira yohle gape, go fihla mohlahlofi a kgotsofetše. Gomme ka gona ge mohlahlofi a kgotsofetše, o tswalela mojako. Mohlahlofi o tswalela mojako. Gomme mohlahlofi o bea leswao godimo ga yona, gomme ga go yo a ka kgonago go kgaola lehuto le go fihla le fihla bofihlo bja lona.

⁶⁸ Seo ke se Moya wo Mokgethwa o bego o se dira. Le a bona? O a ya gomme O a hlahlofa. Ke ka lebaka leo o ka se kgone go ba le dilo tše gomme... O re, "Ke boletše ka maleme, gomme ke goeleditše, gomme ke binne ka Moya." Seo ga se na selo go dira le Wona. Le a bona? Moya wo Mokgethwa o šušumetša motho yoo go fihla A kgotsofetše ka go tsenelela le go tseba gore ba a dira.

⁶⁹ Ka gona, ba tswalelelwa go bofihlo bja bona bja Gosafelego. Ga go selo se ka tsogego sa kgaola Setswalelo seo. Beibebe... Le bea Lengwalo la lena fase. Baefeso 4:30, e rile, "Le se ke la nyamiša Moya wo Mokgethwa wa Modimo, wo le swailwego ka wona go fihla Letšatši la Topollo ya lena." Swarang lentšu lela, "topollo," le a bona. Go fihla letšatši leo Puku ya Topollo e utolotšwego, gomme Molopolodio tla go tleleima lefa la Gagwe! Ga go selo se ka kgonago go e dira. Le a bona? "Le se ke la O nyamiša." Dulang... Dirang dilo tše di thabišago Modimo, ka gore Puku e tswaleletšwe, bjale, gomme le tswaleletšwe. Moya wo Mokgethwa, ka Bowona, ke Setswalelo.

⁷⁰ *Lehuto* le laetša... Bjale, le ke mantšu ke nago le wona go tšwa go pukuntšu. *Lehuto* le laetša "mošomo wo o fedilego." Gomme ge Lehuto la Bošupa le kgaolwa, sephiri sa Modimo se se tswaletšwego ka go Mahuto a a sephiri se fedile. Go fihlela letšatši le Lehuto leo kgaowlago, gomme ka gona le utollwa se se lego ka gare ga Lona.

⁷¹ Ge monna a makala se se lego ka go koloi yela ya lepokisi, a re, "Go swanetše go ba se *sebjalobjalo*. Go swanetše go ba." O tšeа o ka re. Eupša ge lehuto le kgaotšwe, gomme mojako o bulegile, re bona ka go lona nako yeo le go bona tlwa se se lego ka kua.

Le a e bona? Gomme seo se tla dirwa feela mo nakong ya bofelo.

⁷² Selo se sengwe Setswalelo se se laetšago, ke "bomong." Le a bona, Setswalelo se na le maraka godimo ga Sona, se laetša bomong. Ge o rekilwe ka Madi a Jesu Kriste, le go tswalelelwa ka Moya wo Mokgethwa, ga o sa le wa lefase goba e ka ba eng e amanago le lefase. Ke wena wa Modimo.

⁷³ Selo se sengwe, ke, Setswalelo ke "tshireletšo." Go tswalelelwa go ra gore o šireletsegile. Bjale, lena ba le sa dumelogo go tshireletšo ya Gosafelego, ga ke tsebe, le a bona. Eupša bjale, eupša, Setswalelo se laetša tshireletšo go bofihlo bja sona. Madimabe go mothaka yola yo a ka lekago go roba Setswalelo sela! Gomme Setswalelo sa Moya wo Mokgethwa se ka se kgone go kgaolwa.

⁷⁴ Lena bohole le nkwele ke bolela gore batho ba rile, "Diabolo o ntirile ke dire *se*." Aowa, aowa, diabolo ga se a e dira. Le no be le se la tswalelelwa ka gare. Gobane, ge le tswaleletšwe ka gare, o tswaleletšwe ka ntle. Ya. Le a bona? Bjale, o ile ntle go yena. Uh-huh. O be a ka se kgone go tsena ka go wena, ka baka la gore tsela e nnoši ya go tsena ka go wena e tlie go kgabola

tirotšwelopele ye e swanago ye o nago nayo. O be a tla swanelo go phološwa, a hlwekišwe, le go tlatšwa ka Moya wo Mokgethwa, gona o be a tla ba ngwaneno. Kafao, le a bona, kafao ga—ga se a e dira. Aowa, aowa. Ō no ya mollwaneng gomme wa tla morago, o duma dilo tša lefase. Ga se nke wa ke wa ya tsela yohle godimo ka Kanana, le a bona, go kgabaganya Jorodane, lehu go wenamong. Le a bona?

⁷⁵ Bjale hlokamelang, bjale, Puku ye e tswaletšwe. Gomme—gomme le tswaletšwe, ka Puku, go fihla Letšatši la Topollo.

⁷⁶ Gape, ka go Baroma 8:22 le 23. A re hwetšeng yeo, gomme re tla fa bokamorago bjo, gona ke nagana re tla E kwešiša bokaone gannyane ge motho yo mongwe le yo mongwe a E bala bakeng sa bonabeng. Ke le fa Mangwalo a se makae fa, gore re kgone—re kgone go lebelela go Ona, gomme ge iri e sa le ye nnyane. Bjale, 8, Baroma 8:22, go thoma.

Ka gore re a tseba gore tlholo ka moka e a tsetsela le go katana ka bohloko mmogo go fihla bjale.

Gomme e sego feela bona, eupša renabeng gape, ba ba nago le dikenyuwa tša pele tša Moya, ebile rena renabeng re a tsetsela ka gare ga renabeng, re letile bakeng sa peo, go tseba, topollo ya mmele wa rena.

⁷⁷ Oo, nna! Oo, nna! A seo ga se re dire setšhaba sa kgale go ikwela gabotse? Go swanetše go re dira bohole go ikwela gabotse, go letela iri ye. Re a kwešiša se se tla direga ka tsogong ya pele. Le a bona? Tlhago e a tsetsela. Re a tsetsela. Se sengwe le se sengwe se a tsetsela, gobane re a lemoga go ne se sengwe ga sa loka. Gomme tsela e nnoši o ka kgonago go tsetsela, le go o letela, ke ka gobane go bile Bophelo bjo boswa bo tlago ka *fa*, bjoo bo bolelag ka Lefase le leswa.

⁷⁸ Go swana le mosadimogatša mo, e sego telele go fetile, re ile godimo mo go lebenkelekgorparara. Gomme ke rile, “Re hweditše selo sa go tlaba; mohumagadi o be a apere roko.” Gomme go be go tlaba kudu, le a bona. Bona, bona ba . . . Go nyakile bohole ba bona ga ba apare diroko, le a bona. Gomme, ka mokgwa wo mongwe, ba a lebala; ba ya ntle ka ntle le tšona. Kafao gona re . . . Ba lebala ka boomo.

⁷⁹ Gomme kafao, nako yeo, Meda o rile go nna, o rile, “Bill, gobaneng seo se le?” o boletše.

⁸⁰ “Oo,” ke rile, “e no ba moyo wa setšhaba.” Gomme ke rile, “Ge o eya Jeremane, ba ne moyo wo itšego. Eya Finland, ba ne moyo wa bosetšhaba. O tla Amerika, re na le moyo wa bosetšhaba.”

⁸¹ Moya wa rena wa bosetšhaba ke go thantshelwa, metlae. Le a tseba gobaneng? Re thomilwe godimo ga Thuto ya baapostola. Re be re thomilwe godimo ga boetapele bja banna ba bagolo, go swana le Washington, Lincoln. Eupša re tlogile go tlogile go

motheo woo, gomme re a tseba gore re na le wona o etla. Re a tseba gore pomo ya athomo e na le leina la rena le ngwadilwe godimo ga yona. Re a tseba bokgoba bjola bo letše pele ga rena. Ga go bohllokwa go itlatliša wenamong.

⁸² E a nkgopotša, go swana le ba bangwe ba borametlae ba, ba eya tlase le—le go bolela metlae ye, le go ya pele, le basadi ba eya pele ka tsela ye ba dirago, le banna, mmogo. E no nkgopotša ka mošemane yo monnyane a eya go kgabola serapa sa mabitla, a letša molodi, a leka go itira yenamong go dumela ga a fšege. Kgontho, o tšhogile. Le a bona? Ga a tlaetše motho. Ke ka lebaka leo a letšago molodi. Le a bona? O leka go re ga a fšege, eupša o gona. Gomme seo ke se e lego taba, lehono.

⁸³ Eupša, oo, a kholofelo ye e šegofetšego go modumedi, yo a phagamišago diatla, ka gore topollo ya rena e batamela kgauswi. Ge a bona dilo tše di tšwelela, ke nako ye kgolo go modumedi.

⁸⁴ Bjale, dilo tše, tše, go tsetsela mebeleng ya rena. A le kile la ela hloko mohlare, ka fao o katanelago bophelo? O nyaka go phela. Gomme le hlokomela phoofolo, ka fao ka go—ka go lehu, ka fao e katanago. Le hlokomela motho, se sengwe le se sengwe, tlhago e a tsetsela. Rena, ka go renabeng, re a tsetsela. Le a bona? Re a tseba go na le se sengwe se fošagetše. Re a bona, go tšwa go ditemana tše, gore se sengwe se lahlegile, bobedi go motho le lefase. Tlholo ya mehuta yohle, e lahlegetšwe ke se sengwe, ka gore re a bona go tšwa go Lentšu le le šušumeditšwego gore e a tsetsela bakeng sa lebaka le rilego. Wena, ga o tsetsele ntle le ge go na le lebaka bakeng sa yona.

Bjalo ka ge ke boletše ka enke, ke lebaka.

⁸⁵ Yeo ke tsela go rapeleleng balwetši; go fihla le ka hwetša sehlodi! Ke tseba kalafi, eupša ke swanetše go hwetša se se hlolago. Ke ka lebaka leo dipono di hlokwago le go tsebalega; e utolla sephiri sa pelo, e botša motho moo a dirilego phošo ya gagwe, le se a swanetšego go se dira. Le a bona? Ga go kgathale ke dihlare tše dintši gakaakang o di tšeago, goba ke oli ye kae o e tšhelago godimo ga dihlogo tša bona, goba ke godimo gakaakang mang kapa mang a ka go go goeletša godimo; ge go na le se sengwe sa phošo, o tla dula thwi fale. Ke rile “yena,” yoo ke Sathane.

⁸⁶ Le a bona, lehono, re gatetšepele bjalo, ka sehlare, le bjale ga re tsebe selo ka dilo tše. O re, “O na le kankere.” Gabotse, seo ga se selo. Seo, seo—seo se no bitša se e lego sona. Seo se bitša leina la kalafo, kankere. Seo ga se na le selo go dira le seo e lego sona. Leo ke leina le re e bitšago. Re no e bitša leina, kankere. Eupša, ka nnete, se e lego sona, e sekaseke, ke diabolo.

⁸⁷ Bjale, re re “sebe.” Re no se bitša sebe. Se sekaseke. Sebe ke eng? Batho ba bantši ba re, “Go nwa, go dira bootswa.” Aowa, aowa. Tše ke ditholwana tša sebe. Le a bona? Seo ke se sebe se se hlolago, le a bona. Eupša sebe sa kgontho ke gosedumele.

Fao ke mo e—fao ke mo e rerelwago le go biletšwa ntle. Ge o le modumedi, ga o dire dilo tše. Eupša ga go kgathale o leka go itira yo mokgethwa bjang wenamong, le ka fao o lekago go ba wa bodumedi; ge o dira dilo tše, o mosedumele. Seo ke Lengwalo.

⁸⁸ Bjale, se sengwe se lahlegile, gomme se a tsetsela. Se leka go tla morago, go ba morago go seemo sa sona sa setlogo.

⁸⁹ A o ka eleletša yo mongwe a ewa go tloga lefaseng, tlase ka go molete wa go teba felotsoko, gomme a be a katana, a namela, a goga? Ba swanetše, ka mokgwa wo mongwe, ba tšwele ka ntle ga molete wo. Ga ba ka seemong sa bona sa setlogo. Gomme, ka tlalelo, ba a goeletša. Ba ngaparetša maboto, ba dira lešata, goba ba dira ka tsela ye nngwe. Ba—ba a tsetsela gobane gore ba nyaka go tla morago go seemo sa bona sa setlogo.

⁹⁰ Ke ka baka leo motho, yo a rathilwego ke bolwetši, meopo le mahloko. Nako ye nngwe ba be ba se ka tsela yeo, eupša ba a tsetsela. Gobaneng? Ga ba gabotse. Go ne se sengwe sa phošo. Gomme ba a tsetsela, le go leka go ya morago moo ba bego ba le gona ge ba bile le go phelega.

⁹¹ Gomme ge tlhago le batho, bjalo ka ge Beibele e rile, “ba a tsetsela,” go laetša gore fao go na le selo se sengwe, gore ga ba ka leemong la bona ba swanetšego go ba. Ba wele go tloga felotsoko. Bjale, ga re hloke e ka ba mang go re hlathollela seo. Le a bona? Ka gore, ka nnete, re a tseba e be e le Bophelo bjo Bosafelego, ba wele go tšwa go bjona. Gomme ba lahlegetšwe ke ditleleimi tša bona go Bophelo bjo Bosafelego, ka go wa ga Adama le Efa, ba ba welego go tšwa Bophelong bjo Bosafelego, go ya lehung, ka serapeng sa Edene, gomme ba tliša tlhago yohle, ka tlase ga bona, go ya lehung.

⁹² Mohlare ga se wa ke wa hwa, pele ga Adama. Phoofofo ga se ya ke ya hwa, pele ga Adama. Gomme go ne selo se tee feela seo se ka se hwego, gomme seo ke Modimo, gobane Yena ke wa Gosafelego. Gomme yeo ke tsela e nnoši re ka tsogego ra tlogela go hwa, re swanetše go ba le Bophelo bjo Bosafelego ka go rená, go ba barwa le barwedi ba Modimo.

⁹³ Eupša ge re ehwa, bjalo ka ge ke boletše ka go Molaetša mosong wo, go dira sebe, re rekišitše ntle ditokelo tša rená tša tswalo le go kgabaganya legaga le. Bjale re ka godimo ga phihlelelo ya Modimo, ka go lehlakore le lengwe le la legaga. Bjale, ka nnete, ge Adama a wetše, lehung, o tlišitše lehu godimo ga tlholo yohle.

⁹⁴ Bjale, o be a filwe tokologo ya kgetho ya maitshwaro. E be e filwe bona feela bjalo ka rená, kafao go dira kgetho. Bjale, Adama le Efa, mathomong, go be go le mohlare wa botse le bobé pele ga bona, gomme mohlare wola wa go swana o dutše pele ga yo mongwe le yo mongwe le—le yo mongwe le yo mongwe wa rená. Le a bona, Modimo ga a dire bakeng sa Adama goba bakeng sa Efa . . . Le re, “Gabotse, ke phošo ya bona.” Aowa, e segó bjale

ga se yona. Ke phošo ya gago. O ka se kgone go e bea godimo ga Adama bjale. O swanetše go e bea godimo ga gago mong, ka gore go nepagala le go fošagala go beilwe pele ga gago. Re godimo ga motheo wa go swana bjalo ka Adama le Efa.

⁹⁵ Eupša, le a bona, ge re lopolotšwe, ga re sa nyaka kgetho ya rena beng, eupša re nyaka kgetho ya Gagwe. Le a bona? Le a bona?

⁹⁶ Bjale, Adama le Efa ba be ba nyaka kgetho ya bona beng. Ba nyakile go, ba nyakile go hwetša se e bego e le sona go ba le bohlale, kafao ba tsinketše ka go bjona, gomme bo hlotše lehu.

⁹⁷ Bjale, ge motho a lopolotšwe, ga a sa hlokomela gape bakeng sa pasari. Ga a sa tshwenyega gape ka dilo tša lefase, bohlale bja lefase. Ga a nyake kgetho le gatee. Kriste o bile kgetho ya gagwe, gomme seo ke yona yohle. O lopolotšwe. O no se sa nyaka go itlhahla yenamong. Ga a nyake motho go bolela le yena ka moo a yago le se a ka se dirago. O no leta gomme a hwetša ntle kgetho ya Modiri wa gagwe. Le a bona? Ka gona o ya Leineng la Mmopi wa gagwe, ge Modiri a mmotša gore a ye. Le a bona?

⁹⁸ Eupša motho a nyaka bohlale, o nyaka go hwetša, “Gabotse, pheriši ye ke ye botse gabotse; eupša ba ntefa go fetiša mošola, kafao ke tla ya godimo kua.” Le a bona? Le a bona, bohlale.

⁹⁹ Bjale, ge Adama a dirile sebe, ka go kwa go fa mabaka ga mosadi wa gagwe sebakeng sa go swarelala go Lentšu la Modimo, seo ke se se dirilego Adama go dira sebe. Mosadi wa gagwe o file Sathane mabaka, gomme ka gona a tšweletša setšweletšwa go Adama, gomme Adama a tlemolla Lentšu gomme a rekiša ntle.

¹⁰⁰ O lobile, le yena, bohwa bja gagwe, ge a lobile kopanelo ya gagwe le tokelo go Bophelo. Elelwang, “Letšatši le o jago go tšwa fao, letšatši leo o a hwa.” Gomme ge a lobile Bophelo bja gagwe, gape o lobile bohwa bja gagwe ka bophelong, gobane o be a na le taolo ya go felela ya lefase. O be a le modimo wa lefase. Modimo ke Modimo wa legohle, mogohle. Eupša morwa wa Gagwe o bile le lefase le ka tlase ga taolo ya gagwe mong. O be a kgona go bolela, o be a kgona go reela, o be a kgona go bolela, o be a kgona go emiša tlhago, o be a kgona go dira eng kapa eng a bego a nyaka go e dira. Le a bona? Eupša, ge a dirile seo, o lahlegetšwe ke bohwa bja gagwe.

¹⁰¹ Bjale, Adama o be a ka re, “A nke thaba ye, mo, e šuthetšwe godimo kua,” gomme e be e tla e dira. Adama o be a ka re, “A nke mohlare wo, mo, o tomolwe gomme o bjale godimo mo,” o be o tla e dira. Le a bona? Ka gore o be a na le bottlalo, taolo ya godimo, bjalo ka modimo yo monnyane ka tlase ga Modimo Tate wa rena, ka gore o be a le morwa wa Modimo.

¹⁰² Bjale a re ka se kgone go ema fa feela motsotso le go hwetša theroy a kgonthe! Le a bona? Oo! Gona, ge Madi a le hlwekišitše morago, go reng ka bjale? Le a bona? Lebelelang se Morwa yola

wa Modimo, Adama wa bobedi, a se dirilego. Le a bona? Gomme o rile, "Mediro ye Ke e dirago, le tla e dira le lena." Le a bona?

¹⁰³ Adama o lahlegetšwe ke bohwa bja gagwe, lefase. Bjale, bo fetile go tloga seatleng sa gagwe go ya go yo a mo rekišeditšego, Sathane. O rekišitše tumelo ya gagwe ka go Modimo, go go fa mabaka ga Sathane. Kagona, Bophelo bjo Bosafelego bja gagwe, tokelo ya gagwe go Mohlare wa Bophelo, tokelo ya gagwe go lefase, e be e le ya gagwe, gomme o lahlegetšwe ke nthatana ye nngwe le ye nngwe go diatla tša Sathane. O e fetišeditše go tloga seatleng sa gagwe go ya go Sathane. Kagona, bjale, go bile, go boile gomme go bile go tšhilafala. Gomme peu ya Adama e sentše bohwa bjoo Adama a swanetšego go ba a bile le bjona, leo ke lefase. Yeo ke nnete, le a bona, peu ya Adama.

¹⁰⁴ Ke eme, letšatši le lengwe, kua tlase ka Tucson moo ke dulago. Gomme ke be ke bolela le yo mongwe, godimo ntlhoreng ya thaba, ke lebeletše fase. Ke rile, "Le nagana eng! Gore, mengwaga ye makgolotharo ya go feta, Papago wa kgale o tlie tlase go kgabola kua ka koloyana ya gagwe, le mosadimogatša wa gagwe le bana ba dutše ka morago, ba otleletše ntle kua felotsoko gomme ba phela ka khutšo. Go be go se bootswa, go se wisiki, go se go kempola, go se selo magareng ga bona. Ba be ba phela ba hlwekile. Gomme khoyothe e etla fase bo-bo bohlapelo, bošego bjo bongwe le bjo bongwe, go kgabola Tucson mo, e ngautša. Gomme sephato le sekogpha di khukhušitše, go dikologa mo mašing. Gomme Jehofa o lebeletše godimo ga wona gomme o swanetše go be a myemyetše. Eupsa monna yo mošweu o tla tseleng yela, gomme o dirile eng? O epolotše dikgopa. O tšhilafaditše naga, ka dikotikoti tša piri le mapotlelo a wisiki. O sentše maitshwaro a setšhaba. Tsela e nnoši a kgonnego go otla Moindia e be e le go bolaya dijo tša gagwe, nare."

¹⁰⁵ Ge ke be ke bala leswika la Lebitla, letšatši le lengwe, ka-ka musiamong, gomme ke bone diswantšho tša Geronimo. Gomme bontši bja lena le ka no nagana gore Geronimo e be e le legwaragwara. Go nna, o be a le Moamerika wa mmapale. O be a lwela feela se se bego se lokile, se Modimo a mo filego sona: naga, le setšhaba, le lefelo la go phela. Ga ke mmone molato. Gomme ge masole ale a bašweu a etla ka kua gomme, ka kgapeletšo, ba thopa naga, le go ba bolaya boka sehlopha sa dintšhi. Gomme fao go be go le seswantšho sa motsemošate wa tša kalafo wa Geronimo, goba bookelo bja gagwe. E be e le a mabedi goba a mararo a mapai godimo ga seripa sa sephato. Gomme bona ba gobetše, kgonthe, Maamerika a mmapale, Maindia, ba lwela ditokelo difiwa ke Modimo tša bona. Gomme fao, Geronimo le lesea la gagwe mong, mo mathekeng, a eme fale a lebeletše godimo ga bahlabani ba gagwe mong, ba etšwa madi, ba ehwa, go se na le phenisilini goba selo, go se tsela go ba thuša; ba mmapale, Maamerika ao a filwego ke Modimo! Ka gona le mmitša legwaragwara? Ke mmitša mokgomana.

¹⁰⁶ Cochise a ka be a se a ineela. O be a le mokgalabje. Eupša Sešole sa Amerika, bona bohole ba apere fale, gomme ba ile ntle fale gomme ba tla bolaya nare. Ba dirile leetoboithabišo, gomme Sharpe a utolla sethunya sa nare, gomme ba ile ntle kua le go re, “Oo, ke bile le letšatši le lebotse lehono,” go thunya, go tloga lehlakoreng la—la lepokisi la koloi, goba koloi ya banamedi. O re, “Ke bolaile masomenne lehono.” Dinare tše masomenne, tše di ka bego di swareletše moloko ka moka wa Maindia, mengwaga ye mebedi goba go feta. Ba dirile eng ka bona? Ba ba tlogela ba dula mo leganateng. Ditoto tša bona tša kgale di be di tletše dinaga, le go nkgiša dinaga, dikhoyothetše tša ja.

¹⁰⁷ Ge Moindia a bolaile nare, go be go le tirelo ya bodumedi. O tšere ditlhako tša gagwe, a di boloka go dira dipane. Nama ya gagwe ba e ja, ebile le go nama ya dikateng. Ba tšere nama yohle ya gagwe gomme ba e lekeletša godimo le go e omiša. Letlalo la gagwe le be le omišitše, gomme ba be ba dira diaparo le ditente. Go be go se selo . . .

¹⁰⁸ Eupša, ge mothomošweu a etla ka gare, legwaragwara ke mothomošweu. Ke legwaragwara. Gomme o tlile ka gare gomme a gagara dinare tšela, gomme a bolaiša Maindia ale tlala.

¹⁰⁹ Monna mang kapa mang wa mmapale o tla lwela ditokelo difiwa ke Modimo tša gagwe. Ke patso godimo ga folaga ya Amerika, se ba se dirilego go Moindia wa Amerika. Morago ga tšohle, e be e le ya gagwe.

¹¹⁰ O tla nagana eng ge Japa—. . . Japane, goba—goba bangwe, Russia e ka tla ka gare, gomme ya re, “Etswang mo! Eyang morago ntle mo,” gomme—gomme a re dira le bana ba rena ka tsela ye re dirilego Maindia ao? Eupša, elelwang, re bjetše, gomme bjale re ya go buna. Woo ke molao wa Modimo, le a tseba. Go na le nako ya go bjala, gomme morago nako ya puno. Ke nagana gore go befile kudu. Ee, mohlomphegi.

¹¹¹ Bjale go diregile eng? Peu ya go tšhilafatšwa ya Adama e tšhilafaditše le go senya naga ka go felela. A le a tseba Beibele e bolela seo? Gomme ka gobane gore o dirile se, peu ye e tšhilafaditšwego ya Adama, Modimo o tla ba fediša. Le nyaka go bala yeo? A re boneng. Ke na le yona e ngwadilwe fase mo. Phetlang go Kutollo, ya 11 tema, gomme re tla hwetša. Go ya godimo ka go Kutollo, tema ya 11, gomme re tla bona se Modimo a se boletšego ka bona ba ba senyago lefase. Tema ya 11, gomme a re tšeeng temana ya 18, ke a dumela ke yona, 11:18. Ke rena ba.

Gomme ditšhaba di be di befetšwe, gomme bogale bja gago bo tlile (bjale hlokomela bogale bja Modimo), le nako ya bahu, gore ba ahlolwe, le gore wena o fe moputso go baprofeta bahlanka ba gago, le go bakgethwa, le go bona bao ba boifago leina la gago, bobedi ba bannyane le ba bagolo; gomme ba swanetše go senya—go senya bona ba ba senyago lefase.

¹¹² Ba ya go dira eng? Go buna se ba se bjetšego. Kgonthe. Ge le bona sebe se kitima mekgotheng! Ke ba bakae, ka bošegong bjo bja Lamorena, ke mabootswa a mantši gakaakang a tla dirwago ka go toropokgolo ye bošegong bjo? Ke basadi ba bakae ba tla robago keno ya gagwe ya lenyalo, ka go molete wo monnyane wo ka mobung fa, o bitšwago Jeffersonville? Ke ditaba tše kae tša go ntšha mpa o naganago di gatišitšwe ka Chicago, mo matšatšing a masometharo? Magareng ga masomepeditlhano le dikete tše masometharo ka kgwedi, ntle le ba ba sego ba retologela ka gare. Ke bontši bjo bokae bja wisiki bo nwewago ka toropongkgolo ya Chicago? Le nagana gore go direga eng ka Los Angeles ka bošego bjo botee? Ke makga a makae Leina la Morena le tšerwego ka lefeela, ka toropongkgolo ya Jeffersonville lehono? A go kaone bjale, goba go bile bokaone ge George Rogers Clark a theogela fase ka seketswaneng? Le a bona, ka go felela re tšhilafaditše lefase ka tšhila ya rena, gomme Modimo o tla fediša bao ba senyago lefase. Modimo o boletše bjalo.

¹¹³ Ka mehla ke be ke gopolal gore fao go be go le selo se sengwe tlase ka go nna, se se ratago go ya godimo ka dithabeng le go lebelela ka tsela ye Modimo a e beakantshego.

¹¹⁴ Ke hloile, Florida, moo ba nago yona mehlare ya mepalema ya maitirelo. Gomme, oo, nna, bokaone ke bone dikwena di mena mosela wa gagwe, morago ka lešokeng, go feta go bona tšohle tšeal tše maitirelo le dilo tšeob ba di dirago ka Hollywood, le tšohle tšela fale matsaka, le sehlopha sa ditagwa. Gomme, oo, nna, ke no nagana, “Letšatši le lengwe! Letšatši le lengwe!” Ya.

¹¹⁵ Eupša, elelwang, Beibebe e re boditše, ka go Mateo tema ya 5, gore, “Ba boleta ba tla tsea lefase bjalo ka kabelo.” Yeo ke nnete. “Ba boleta le ba go kokobela ba tla abelwa lefase.” Jesu o rile, “Ba lehlogenolo ke ba boleta,” ba bonolo bao ba no se lekego go ba se sengwe se segolo bogolo, “ba tla ba bajabohwa ba lefase.” Jesu o boletše bjalo. Ee. Bjale ba le tšhilafaditše, gomme Modimo o tla ba fediša; eupša ba boleta ba tla abelwa lefase, morago ga ge le hlwekišitšwe.

¹¹⁶ Bjale, oo, nna! Bjale, tokelo ya bong e lobilwego bjale e ka diatleng tše Mong wa setlogo, Ramaatlakamoka Modimo. Tokelo ya bong go lefase, le go Bophelo bjo Bosafelego, ge Adama a e loba; gona diatla tše Sathane tše ditšhila ga se di kgone go e tšeal, kafao e ile morago go Mong wa yona wa setlogo, Modimo Yenamong. Re ya go e hwetša, feela mo motsotsong. Sole O dutše mo Teroneng, le yona ka seatleng sa Gagwe, tokelo ya bong. Oo, seo se ntira go ikwela bodumedi. Tokelo ya bong go Bophelo bjo Bosafelego, peleetše tokelo ya bong ya Bophelo bjo Bosafelego, ge Adama a e lobile bakeng sa bohlale, sebakeng sa tumelo, e ile morago go diatla tše Mong, Ramaatlakamoka Modimo. A selo se segol!

¹¹⁷ Go lokile, go leta. E dira eng? Ka diatleng tša Modimo, go letela dittleleimi tša topollo. O dirile tsela ya topollo, O dirile tsela go ya morago, gomme letšatši le lengwe Molopolodi o ya go e tšeela morago. Le bona moo re yago bjale? Re tla šetša Moisa yo a dutšego godimo ga Terone. Go lokile, o letile dittleleimi tša topollo, topollo ya yona.

¹¹⁸ Puku ye ya Topollo ke eng, tokelo ye ya bong, tokelo ye e sa bonwego ya bong? “O re, ‘e sa bonwego?’” E sa gosebonwe e ra go reng? E ra gore e purupuditšwe tsela yohle morago go mathomo a yona. Boka le lennyane lela—boka lerothi le lennyane lela la enke mosong wo, ge le rathile setlošadipatso, le ile tsela yohle morago. Gomme ge sebe se ipoletšwe gomme se wetše ka Mading a Jesu Kriste, oo, nna, e fa e sa bonwego, thwi go otlologa morago go Mohlodi gape. O ba morwa wa Modimo. Tokelo ya bong e sa bonwego e swarwe ka diatleng tša Ramaatlakamoka. Oo, nna!

¹¹⁹ Topollo ya yona e ra go rua ga semolao go tšohle tše di bego di lahlegile ka Adama le Efa. Oo, nna! [Ngwanešu Branham o phaphatha diatla tša gagwe mmogo gatee.] Seo se swanetše go dira eng go Mokriste wa go tswalwa gape! Go rua ga yona ga semolao go tokelo yeo e sa bonwego, tokelo ya bong ya Bophelo bjo Bosafelego, go ra gore o mong wa se sengwe le se sengwe seo Adama le Efa ba se lobilego. Fše! Ke eng ka yona, ngwanešu? Leruo la bong bjoo!

¹²⁰ Adama ga se a kgona go fihlelela dinyakwa tša topollo. Ka morago ga ge a hweditše o e lobile, o be a dirile sebe gomme o be a ikarogantše yenamong go tloga go Modimo, o be a le ka lehlakoreng *le la* legaga, kafao o be a sa kgone go e lopolla. O be a no se kgone go e dira, ka gore o—o be a hloka topollo, ka boyena, kafao ga se a kgone go e dira.

¹²¹ Eupša molao o nyakile Molopolodi wa Lelokokgauswi. Molao wa Modimo o nyakile Molopolodi wa Lelokokgauswi. Le nyaka go maraka yeo fase, “Molopolodi wa Lelokokgauswi,” e hwetšeng ka go Lefitiko 25.

¹²² Re ka se be le nako go puruputša go tsenelela se, gobane, le a tseba, sehlogo se sengwe le se sengwe—se sengwe le se sengwe se tla dira bo—bo bošego. Le a bona?

¹²³ Eupša molao wa Modimo o amogetše kemedi. Bjale, go ka reng ge Modimo a se a neela go tšeа kemedi? Eupša lerato le Mo phegeletše go e dira. Gore, motho o be a se na le tsela morago, gomme fao ga go tsela ya gagwe ya go boela morago. O be a ile. Eupša mogau wa Modimo o kopane le Molopolodi yo wa Lelokokgauswi ka go Motho wa Jesu Kriste. Molao o a e nyaka. Mogau o kgotsofaditše dinyakwa tša wona. Oo, mogau wa go makatša, modumo o bose bjang! Molao wa Modimo o nyakile kemedi ya go hloka molato.

¹²⁴ Gomme ke mang a bego a se ne molato? Motho yo mongwe le yo mongwe o be a tswetšwe ka thobalano, ka morago ga

thobalano, yo mongwe le yo mongwe. Gomme yo motee a nnoši yo a bego a se, o lahlegetše ke ditokelo go ya Bophelong bjo Bosafelego le go ba kgoši lefaseng.

¹²⁵ Oo, ge ke nagana ka Lengwalo lela, “Ka gore Wena o re lopolletše morago go Modimo, gomme re ka rena le go ba dikgoši le baprista godimo ga lefase.” Oo, nna! Eng? Molopolodi wa Lelokokgauswi! Oo, a kanegelo ye re tla bago le yona mo!

¹²⁶ Hlokamelang, molao o be o nyaka Molopolodi wa Lelokokgauswi go lopolla selo sa go lahlega. Mogau o kgotsofaditše senyakwa se ka go Motho wa Jesu Kriste. Wa Lelokokgauswi o swanetše go tswalwa ke moloko wa motho.

¹²⁷ Bjale, re ka kgona bjang go ba, ge motho yo mongwe le yo mongwe yoo a tswetšwego a swanetše go... Gomme mang le mang yo a sa kgonego go bona gore e be e le tiro ya thobalano fao, gabotse, o fofutše ka go felela, le a bona, ka gobane motho yo mongwe le yo mongwe yoo a tswetšwego o tswetšwe ke mosadi.

¹²⁸ Gomme Modimo o nyakile Molopolodi wa Lelokokgauswi, gomme O swanetše go ba motho. Oo, nna! O ya go dira eng bjale? Molao o nyakile Molopolodi wa Lelokokgauswi.

¹²⁹ Bjale, O be a ka se kgone go tsea Morongwa. O be a swanetše go ba le motho, gobane ga re leloko go Morongwa. Re leloko go rena seng. Morongwa ga se nke a wa. Ke mohuta wa go fapanwa sephedi, o ne mmele wa go fapanwa. Ga se nke a dira sebe goba selo. O a fapanwa.

Eupša molao o nyakile Molopolodi wa Lelokokgauswi.

¹³⁰ Gomme motho yo mongwe le yo mongwe lefaseng o belegwe ka thobalano. Bjale, a ga le bone, fao ke mo e tšwago. Fao ke mo sebe se thomilego. Kafao le bona mo se lego bjale? Šole o a tla, peu ya gago ya sephente, ka gare. Le a bona?

¹³¹ Bjale, hlokamelang, o nyakile Molopolodi wa Lelokokgauswi. Gomme Molopolodi, Molopolodi wa Lelokokgauswi, o swanetše go tswalwa ke morafe wa batho. Mo, seo se re tlogela godimo ga lekala. Eupša a nke ke galagatše Phalafala. Tswalo ya kgarebe e tšweleditše se—se setšweletšwa. Amene. Tswalo ya kgarebe e tšweleditše Molopolodi wa rena wa Lelokokgauswi. Ga a go yo mongwe eupša Ramaatlakamoka Modimo o bile Imanuele, yo mongwe wa rena. Imanuele! “Molopolodi wa Lelokokgauswi” o ile a kgotsofatšwa. Le bona ka fao Modimo a dirago senyakwa, gomme ga go selo re ka kgonago go se dira. Eupša ka gona mogau o gatela ka gare le go okamela molao woo, gomme o tšweletša setšweletšwa. Amene!

¹³² Oo, ge o fihla godimo Gae! Ge ke hwetša ntlo ya ka ye nnyane tlase kua; ye Ngwanešu Neville a opelago ka yona. Ge bohole le ekwa se sengwe tlase kua, mosong wo mongwe, se opela, “Mogau wa go makatša, modumo o bose bjang, wo o phološitšego leratha

boka nna!” Le re, “Tumišang Modimo! Ngwanešu Branham wa kgale o kgonne. Yena šole, le a bona.” Ee.

Oo! Ke mogau woo o rutilego pelo ya ka go boifa,
 E bile mogau o imolotšego dipoifo tša ka;
 Mogau wola o bonagetše bohlokwa gakaakang
 Iri ya pele ke dumetšego!

¹³³ Letang go fihla re etla tlase go yona, feela mo nakwaneng!
 Oo, nna! Bjale lebelelang. Puku . . .

¹³⁴ Puku ya Ruthe e fa seswantšho se sebotse sa se, ka fao Boase . . . Gomme Naomi o be a lahlegetšwe ke lefa. Le, le a tseba. Le nkwele ke rera ka yona, a ga la? Phagamišang diatla tša lena ge le nkwele ke e rera. Kafao, le a kwešiša, le a bona. Boase o ile a swanela go ba molopolodi. Gomme o be a le yena a nnoši yoo a kgonnego. O be a swanetše go ba wa lelokokgauswi, wa lelokokgauswi wa kgaauswi. Gomme, go lopolleng Naomi, o hweditše Ruthe. Yoo e be e le Jesu, Boase a kaya Kriste. Gomme ge A lopolotše Israele, O hweditše Monyalwa wa Montle. Kafao gona, le a bona, go botse kudu! Re ne yona go theipi, ke ne kgonthe, fa felotsoko, le tla rata go ba le yona.

¹³⁵ Bjale hlokamelang, bjale, O swanetše go ba wa Lelokokgauswi. Kafao, le a bona, Morongwa o be a ka se kgone go e dira. Motho o be a ka se kgone go e dira; e swanetše go ba motho, eupša a ka se kgone go tswalwa ke mosadi, tiro ya thobalano. Kafao, tswalo ya kgarebe, Moya wo Mokgethwa o apešitše Maria ka morithi. Kagona, Jesu o be a se Mojuda. Jesu o be a se Montle. Jesu o be a le Modimo. Seo ke tlwa. Madi a Gagwe ga se a tla go tšwa go tiro ye e itšego ya thobalano. O be a le yo mokgethwa, a hlotšwego Madi a Modimo. Gomme ga se ra phološwa ka madi a Mojuda, ebile ga se ra phološwa ka madi a Bantle. “Re phološitše ka Madi a Modimo.” Seo ke go ya ka Beibele. E bolela bjalo. “Re phološitše ka . . .”

¹³⁶ Kafao, le a bona, Jesu o be a le Modimo. O be a se Motho wa boraro, Motho wa bone, Motho wa bobedi. O be a le Motho. O be a le Modimo, le a bona. O be a le Modimo, Imanuele. Modimo o theogile go tšwa Letagong la Gagwe, o ikutolotše Yenamong. Ke rata kanegelo yela, ya Booth Clibborn, se segolo sela, sefela se sebotse.

Go theoga go tšwa Letagong la Gagwe,
 kanegelo ya go phela ka mehla,
 Modimo wa ka le Mophološi wa ka o tlide,
 gomme Leina la Gagwe ke Jesu.
 O tswaletše legopong, yo šele go ba Gagwe
 mong,
 Monna wa bohloko, dikeledi le mahloko.

Oo! A motheogo, o re tlišetša topollo;
 Ge ka setung sa bošego, go se ntlhasana ya
 kholofelo go bonwa;
 Modimo, yo bohlokwa, yo boleta, o beetše
 thoko botswatswa bja Gagwe,
 A inamela go apiša le go phološa soulo ya ka.
 O ke Mo rata bjang! Ke Mo hlompha bjang!
 Mohemo wa ka, phadimo ya letšatši ya ka, tša
 ka tšohle ka go tšohle!
 Molopolodi yo mogolo o bile Mophološi wa ka,
 Mohlodi mogolo o bile Mophološi wa ka,
 Gomme bottlalo bjhole bja Modimo bo dula ka
 go Yena.

¹³⁷ Yoo ke yo Motee a kgotsofaditšego senyakwa. Mogau o tšweeditše Motho wa Jesu Kriste. Gomme re a hwetša, Puku ye bjale... Modimo o otlolotše tente ya Gagwe, go tšwa go Modimo, go ba Motho. O fetotše lešika la Gagwe, go tloga go Ramaatlakamoka, go ba Motho; go tšea sebopego sa motho, gore A kgone go hwa, go lopolla motho. Letang go fihla re Mmona, ge go na le “ga go yo a nago le maswanedi.” Le a bona? Go lokile.

¹³⁸ Ka Beibeleng, ka go Puku ya Ruthe, ge le e bala, le tla hwetša, motho yo bjalo o be a bitšwa “mmušetši,” m-m-u-š-e-t-š-i. O be a bitšwa mmušetši, goba, e be e le motho yo a bego a kgona go fihlelala dinyakwa. Gomme mmušetši o swanetše go kgona go e dira, o swanetše go rata go e dira, gomme o swanetše go ba wa leloko, wa kgauswi le wa leloko, go e dira.

¹³⁹ Gomme Modimo, Mohlodi, wa Moya, o bile wa leloko go rena ge A eba motho, gore A kgone go tšeela sebe sa rena godimo ga Gagwe, le go lefa tefo, le go re lopollela morago go Modimo gape. Šeo yona. Molopolodi šole.

¹⁴⁰ Kriste o re lopolotše bjale. Bjale re lopolotše. Eupša ga se A tteleima lefa la Gagwe go le bjalo. Bjale, le ka no fapania le seo, eupša e nong go swarelela motsotso, le a bona. Re tla bona. Le a bona? Ga se A le tteleima. Le a bona? Ge A tšere Puku ya Topollo, se sengwe le se sengwe seo Adama a bilego le sona le se sengwe le se sengwe seo a se lobilego, Kriste o se lopolla morago. Gomme O šetše a re lopolotše. Eupša ga se A be a tšea lefa go le bjalo; A ka se kgone go fihla nako ye beilwego. Gomme ka gona go tla tla tsogo, gomme ka gona lefase le tla mpshafatšwa gape. Gomme ka gona O tla tšea lefa, lefa la Gagwe le A le hweditšego ge A re lopolla, eupša o tla e dira ka nako ye beilwego. Oo, nna!

¹⁴¹ Se se hlalošwa ka go Puku ye ya Mahuto a Šupago yeo re bolelago ka yona bjale. Go lokile. Puku ya Topollo, yohle e a hlalošwa ka fa. Tšohle tše Kriste a tlago di dira mafelelong di tla utollwa go rena beke ye, ka go Mahuto a Šupa, ge Modimo a ka re dumelala. Le a bona? Go lokile. Go tla utollwa. Gomme o utolotše, ge Mahuto a bulaga gomme a lokollwa go rena, gona re

kgona go bona se polane ye kgolo ya topollo e lego sona, le neng le ka fao e yago go dirwa. Yohle e utilwe ka go Puku ye ya sephiri mo. E tswaleletšwe, e ile godimo le Mahuto a Šupa, gomme kafao Kwana ke Yona e nnoši Ye e ka kgonago go a kgaola.

¹⁴² Bjale . . . (Ntshwareleng.) Re a lemoga . . .

¹⁴³ Bjale, ge le ka rata go lebelela ka Mangwalong, le ka kgona go ya godimo ka go Jeremia gomme la hwetša kua. Ge a be a—ge a—a be a eya bothopša bja naga, le a tseba, o—o rekile malome wa gagwe . . . Morwa wa malome wa gagwe o be a ne phahlo tsoko—tsoko, gomme o ile go kgabola yeo, a tswalela. Gomme ge re e tšere yohle . . . Re na le yeo gape ka go *Mabaka a Šupago a Kereke*, wona mahuto le go ya pele, ka kua.

¹⁴⁴ Le a bona, setswalelo, ka Testamenteng ya Kgale, se be se swana le lenaneo la maina, ka mokgwa *wo*. [Ngwanešu Branham bjale o šomiša matlakala pampiri go swantšha go tatetša, go tswalela, le go bula sekrolo—Mor.] Gomme *mo* go be go le sephiri, gomme sephiri se se be se utilwe. Go lokile, se be se tswaleletšwe go dikologa le go bea mo, tteleime go *semangmang*. Ka gona, sephiri se se latelago se be se phuthetšwe go dikologa seo bohwa bjo bo bego bo le sona, gomme sa kgomaretšwa ntle mo ka lehlakoreng *le*, *tle—tle—tle* tteleime go *semangmang*. Gomme o ile tlase go fihlela o dirile sekrolo, gobane batho ga se ba be le dipuku boka *ye* nako yeo. E be e le ka rolo, (ke ba bakae ba tsebago seo?) le bitšwago sekrolo. Gabotse, sekrolo se tswaleletšwego, o ka kgona go arogantšha se tee *mo*, se sephiri sa se be bego se le sona, le go se kgeila go tlemologa, gomme o be o kgona go bona se tteleime yela e bego e le. Gomme ka gona wa kgaola ye nngwe go tlemologa, gomme o kgona go bona se tteleime yela e bego e le sona.

¹⁴⁵ Gomme selo ka moka Fa ke Mahuto a Šupago, a na le diphiri tša Modimo go tloga motheong wa lefase ohle a tswaleletšwe ka Kua, le go utollwa ke Mahuto a ſupago a go fapano, gore, ge Modimo a rata, a re Mo dumelele go gogela morago Mahuto ale le go lebelela fase go kgabola Puku le go hwetša gore E mabapi le eng. Le a bona? Oo, ke a holofela re na le nako ye kgolo! Fao sephiri sa topollo se tswaleletšwe go fihla . . . Puku ye e ka se kgone go kgaolwa go fihla Molaetša wa morongwa wa mafelelo.

¹⁴⁶ Sekrolo se fao. Re tsebile Se be se le fao. Re a tseba gore E be e le topollo. Re dumetše E be e le topollo. Jeremia o rile, “Sekrolo se se swanetše go bolokwa . . .” Ge le e bala fao, o tla bolela. O swanetše go bolokwa ka go sebjana sa letsopa. Le a bona? Oo, a selo se sebotse nka kgonago go bolela ka sona, lebakana. Sekrolo se se be se bolokilwe ka go sebjana sa letsopa, sebjana seo se kilego sa ba nama (letago!), se hwile, se tsogile gape, gomme se bolokilwe ka go sebjana sa letsopa go fihla nako ya theko. Oo, nna! Bobotse! Go lokile.

¹⁴⁷ Bjale, Melaetša ye yohle e bolokilwe godimo go fihla, sebjana se sa letsopa, go fihla nako ya nako ya go bewa ke Modimo,

go motseta wa mafelelo lefaseng. Gomme tšohle tše batho ba di ahlotšego, gomme ba rile, “Ke a tseba Le gona. Ke a dumela Le gona.” Gomme ba Le lwantšitše, gomme ba Le tlišitše pele le go tšweletša dilo. Ka tumelo ba Le dumetše. Eupša bjale Le ya go tlišwa go rena ka kutollo, le go tšwa seatleng sa Modimo ka bohlatse. Modimo o boletše bjalo. O e tshepišitše.

¹⁴⁸ Bjale, bjale a re boneng. Kae, re be re le kae? A re yeng go temana ya 2 bjale. Yeo ke nako ye telele bakeng sa temana ya 1, eupša a re—a re—a re tšeeng temana ya 2. Bjale, ka kgonagalo re ka se dule botelele bjoo go ya go latela.

Gomme ke bone morongwa yo maatla a goeletša ka segalontšu se segolo, ke Mang a nago maswanedi go bula... puku, le go bofolla mahuto a yona?

¹⁴⁹ Bjale, elelwang. A re baleng temana ya 1 gape, gore re e hwetše mmogo.

...Ke bone ka seatleng se setona sa yena yoo a dutšego godimo ga terone...

¹⁵⁰ Modimo! Ke mang yoo? Moswari ka go feleta wa setlogo wa Puku ya Bophelo. O E sware. Modimo o a dira. Ge Adama a lobile, E ile morago go Mong wa Yona wa setlogo. Ke ya Gagwe.

Gomme Johane (ka ponong) o lebeletše godimo gomme o bone ka seatleng se setona sa yena yoo a dutšego godimo ga terone pu—pu puku e ngwadilwe ka gare le ka lehlakoreng la morago, e bofilwe ka mahuto a šupago.

¹⁵¹ Le a bona, ka gare! Bjale, ge re eya go kgaola Mahuto a, le ya go bona, Le ya thwi morago ka Lengwalong, tsela yohle morago, bakeng sa le lengwe le le lengwe la Mahuto ao. Selo ka moka, mmogo, sephiri ka moka, se robetše thwi mo ka go Mahuto a. Le a bona? Sephiri se sengwe le se sengwe sa Beibele se robetše ka go Mahuto a. Gomme Mahuto a ka se kgone go kgaolwa go fihla nako yeo. Ke a e netefatša mo, feela ka motsotsotso.

¹⁵² Hlokamelang. Bjale, Puku, elelwang, e tswaletšwe. Šele le tee, šele Le mo, lehuto le. Morago le Tee le lengwe le phuthetšwe, Lehuto. Le Tee le lengwe le phuthetšwe, Lehuto. Ke Puku ya Topollo. Gomme selo ka moka, mmogo, se dira Puku, gomme E bofilwe ka Mahuto a Šupago. Gomme, ka gona, le ka lehlakoreng la morago, ke ka gobane le tatologetše godimo. Sephiri sa Lehuto se ka gare. Gomme Le re feela, “Monamedi wa pere ye tšhweu,” goba, “Monamedi wa pere ye ntsho,” le eng gape, ka ntle. Eupša sephiri sa Puku ka moka se ka go wona Mahuto, go tloga go Genesi go ya go Kutollo. Polane ye e feletšege ya topollo e utollwa ka go Mahuto a a Šupago a. Oo, ke nako ye bohlokwa. Modimo a re thuše go O hwetša! Le a bona?

¹⁵³ Bjale, “Gomme morongwa yo maatla...” Bjale temana ya 2.

... *morongwa yo maatla*, ka segalontšu se segolo, a kwalakwatša, ke *Mang wa maswanedi*... (Go swaneleng?) ke *Mang a nago maswanedi* go tšeа puku yela, ...

¹⁵⁴ Bjale re a hwetša. Puku e kae bjale? Go Mong wa Yona wa setlogo, ka gobane E lobilwe ke morwa, morwa wa Modimo wa mathomo, ka go moloko wa motho. Gomme ge a lahlegelwa ke ditokelo tša gagwe, go theeletšeng Sathane, o neetše godimo... O dirile eng? O amogetše bohlale bja Sathane sebakeng sa Lentšu la Modimo. Bjale, a re ka se kgone go ema fa nakwana! Barwa ba Modimo ba tla tšeа kgopolo ya seminari ka Lona, sebakeng sa Lentšu la Modimo. Le a bona, selo sa go swana Adama a se dirilego, o lahlegetšwe ke ditokelo tša gagwe. Gomme ge e dirile, e ile thwi go otlogola morago. A ga le kgone go bona moo mabaka ale a bilego? Le a bona? O ile thwi go otlogola morago go moswari wa setlogo.

¹⁵⁵ Gomme Johane, ka Moyeng, a eme godimo mo ka Legodimong. O sa tšwa go phagamišetšwa godimo bjale, go tšwa go mabaka a kereke, le a bona, o bone mabaka a kereke. Gomme ka gona o ile a tšeelwa godimo, ka go tema ya 4. O rile, “Rotologela godingwana. Ke ya go go laetša dilo tše di tla tlago.”

¹⁵⁶ Gomme o bone yo Motee a dutše godimo ga Terone, ka Puku ye ka seatleng sa Gagwe, ka seatleng sa Gagwe se setona. Naganang ka yona, bjale. Gomme, gona, ka go Puku ye go be go le tokelo ya bong ya topollo, gomme E be e tswaletšwe ka Mahuto a Šupa.

¹⁵⁷ Gomme ka gona Morongwa o tlile pele, Morongwa yo maatla, a kwalakwatša ka segalontšu se segolo, “Ke mang a bilego le maswanedi go bula Puku; go tšeа Puku? Ke mang a kgonnego go bula Mahuto? Ke mang a kgonnego go bula Puku ye?” Le a bona, Morongwa o e botšišitše. Johane o e bone. Gomme O rile, “Bjale, ke mang a nago maswanedi? A nke Yena...” Oo, nna! Mohlomongwe ke no ikwela se, ka tsela ye. “Eupša a nke Yena,” go boletše Morongwa, “a nke Yena...” Še Puku ya Topollo! Še polane ya topollo! Tsela e nnoši o ka tsogego wa lopollwa še, gobane še tokelo ya bong go topollo ya magodimo ka moka le lefase! “A nke Yena a tle pele, ge A rata” Oo, nna! “Bjale bolela, goba neng le neng a sware khutšo ya Gagwe. A nke Yena a tle pele gomme a tleleime Puku ye. Ke mang a nago maswanedi go e dira?”

¹⁵⁸ Gomme Johane o rile:

Go be *go se motho legodimong* a hweditšwego a le maswanedi; go se motho *lefaseng* a hweditšwego a le maswanedi; ga go motho ka tlase ga *lefase*, yoo a kilego a phela le go hwa, go hweditšwe a ne maswanedi. Ga go motho a hweditšwego a ne maswanedi.

¹⁵⁹ Pitšo ya Morongwa e be e le pitšo bakeng sa Molopolodi wa Lelokokgauswi go tšwelela. Modimo o rile, “Ke na le molao; Molopolodi wa Lelokokgauswi a ka kgona—a ka kgona go ba kemedi. Molopolodi yola wa Lelokokgauswi o kae? Ke mang a kgonago go E tše?”

¹⁶⁰ Gomme e tšwa go Adama, tsela yohle go theoga go kgabola baapostola bohole, le baprofeta, le se sengwe le se sengwe gape, gomme ga go yo a hweditšwego. Bjale, go reng ka seo? “Ga go yo mongwe Legodimong, ga go yo mongwe lefaseng, ga go yo a kilego a phela.” Eliya o be a eme fale. Moshe o be a eme fale. Baapostola bohole ba be ba eme fale, goba—goba bohole bao ba hwilego; banna bohole ba bakgethwa, Jobo, dihlalefi. Yo mongwe le yo mongwe o be a eme fale, gomme ga go yo a bilego le maswanedi ebile go lebelela go Puku, go sa bolelwe go ka E tšeа le go kgaola Mahuto.

¹⁶¹ Bjale mopapa le bohole ba ba tsena kae? Pišopo wa lena o kae? Boleng bja rena bo kae? Ga re selo. Yeo ke nnete.

¹⁶² O kgopetše Molopolodi wa Lelokokgauswi go gatela pele, ge A ka kgona. Eupsa Johane o rile, “Ga go motho a bego a ne maswanedi.”

¹⁶³ E sego gore go be go se batho ba go swanelia kua, bjale, boka Morongwa; boka, mohlala, re tla re, Gabarie, goba Mikaele. Eupsa, elelwang, e be e swanetše go ba wa Lelokokgauswi. Elelwang, Johane o rile mo, “Gomme ga go m-o-t-h-o,” e sego Morongwa, e sego Morongwamotuki. Ba be ba se ba dira sebe, eupsa Ba be ba le ka go legoro la go fapania. Ga se nke ba ke ba wa.

¹⁶⁴ Eupsa yo o be a swanetše go ba Molopolodi wa Lelokokgauswi. “Ga go motho,” gobane go be go se le o tee wa bona a lopolotšwego. “Ga go motho a bego a ne maswanedi go E lebelela.” Oo, aowa! Nna, nna! Kafao, go tšere wa Lelokokgauswi la motho. Gomme o e kgopetše, gomme O be a se a hwetšwa, e ka ba kae. Go be go se motho. Ga go pišopo, ga go mopišopomogolo, ga go moprista, ga go tatelano ya ditulo, go be go se selo ebile . . . ebile go be go se ne bokgethwa go lekanelia ebile le go lebelela go Puku. Fše! Nna, nna! Seo se boima gabotse, eupsa seo ke se Beibele e se boletšego. Ke no tsopola se Johane a se boletšego.

Beibele e boletše gore Johane “o llile.”

¹⁶⁵ E sego bjalo ka ge batho ba bangwe ba e rutile. Ke be ke ekwa monna a ruta se nako ye nngwe, o rile, “Johane o llile gobane gore o ikhreditše yenamong a se a swanelia.” Oo! Motho mang kapa mang ka tlase ga Moya wo Mokgethwa o tla tseba go fapania go tloga go seo, le a bona; ka tlase ga tšušumetšo ya Modimo, o tla tseba go fapania go tloga go seo.

¹⁶⁶ Eupsa, Johane “o llile.” Sese se ke naganago o se lletše. Gobane, ge go se yo a bilego le maswanedi gomme a ka bula Puku ye ya Topollo, tlholo ka moka e be e lahlegile.

¹⁶⁷ Puku še, tokelo ya bong še, gomme E tla neelwa go Molopolodi wa Lelokokgauswi yo a ka kgonago go fihlelela maswanedi. Woo ke molao wa Modimo Mong, gomme A ka se kgone go tšhilafatša molao wa Gagwe, a ka se kgone go emelana le molao wa Gagwe, a ke re. Le a bona? Modimo o nyakile Molopolodi wa Lelokokgauswi Yo a bego a ne maswanedi, Yo a bego a kgora go e dira, Yo a bego a ne kgonthe go e dira.

¹⁶⁸ Gomme Morongwa o rile, “Bjale a nke Molopolodi yola wa Lelokokgauswi a gatele pele.”

¹⁶⁹ Gomme Johane o lebeletše. Gomme o lebeletše gohlegohle lefaseng. O lebeletše ka tlase ga lefase. Gomme go be go se motho. Fao, tlholo le se sengwe le se sengwe se be se lahlegile. Nnete, Johane o llile. Se sengwe le se sengwe se be se lahlegile.

¹⁷⁰ Go lla ga gagwe ga se gwa tšea nako eupša motsotso feela, go le bjalo. Ka gona fao go be go eme yo mongwe wa bagolo, o rile, “Se lle, Johane.” Oo, nna! Go lla ga gagwe ga se gwa tšea nako eupša motsotso feela.

¹⁷¹ Johane o naganne, “Oo, nna, Monna o kae? Baprofeta šebale ba eme; ba tswetšwe boka ke be ke le. Fale go eme bahlalefi. Fale go eme... Oo, a ga go motho fa?”

¹⁷² “Ke nyaka Monna yo a kgonago go e dira. Ke nyaka Monna yo a kgonago go lopolla.”

¹⁷³ Gomme o be a se a hwetšwa, kafao Johane o llile. Oo, se sengwe le se sengwe se be se lahlegile; gomme o llile gabohloko. Gomme o—o be a nyamile, ka gore se sengwe le se sengwe, tlholo ka moka, se sengwe le se sengwe se be se ile, ge ba be ba sa kgone go hwetša yo mongwe. Letago go Modimo! Ge ba se ba kgona go hwetša yo mongwe yo a ka kgonago go fihlelela dinyakwa tše, fao... motho yo mongwe le yo mongwe, le lefase lohle le tlholo, ba be ba ile. Oo, se sengwe le se sengwe se be se wele. Di—di—di ditokelo tša topollo, ditokelo tša—tša Bophelo bjo Bosafelego, Seetša, ka moka ditokelo tše di be di lobilwe, gomme go be go se motho yo a bego a ka kgona go lefa tefo. Gomme Johane o thoma go lla, gobane ga go yo a bego a ne maswanedi, gomme ga go yo a bego a ka kgona ebile go lebelela Puku. Oo, go tšere motho. Johane o llile, gobane ga go yo a kgonnego go e dira, gomme se sengwe le se sengwe se lahlegile.

¹⁷⁴ Gomme fao go tlie lentšu go tšwa go yo mongwe wa bagolo, a eme magareng ga Dibata tše nne le lešaba le legolo lela la Legodimo, o rile, “Se lle, Johane.” Oo, nna!

¹⁷⁵ Mogau wa Modimo!

¹⁷⁶ “O se ke wa ba pelo ye e robegilego, Johane. O se ke wa lla. Ka gore Tau ya leloko la Juda, Modu le Lehlogedi go tšwa go Dafida, O fentše.”

¹⁷⁷ Go hlola go ra “go katana le, le go fenza.” Oo, nna! Serapa sa Getsemane, ge Madi a rothetše fase go tšwa sefahlegong sa Gagwe, O be a fenza. Le a bona? Fše! Le a bona?

¹⁷⁸ “Tau, le Modu wa Dafida, o hlotše, o fentše.”

¹⁷⁹ Boka Jakobo, go beng moradia. Gomme ge a kopane le Morongwa, o swareletše. Gomme Morongwa o lekile go gogela kgole. O rile, “Ke—ke no se ye go Go tlogela wa tloga.” O ile a swarelela go fihla a hwetša se a bego a se nyaka. Gomme leina la gagwe le ile la fetolwa, go tšwa go *moradia*, le rago “mofori.” Go ya go eng? Go “kgošana le Modimo,” *Israele*. O fentše.

¹⁸⁰ Gomme Tau ye ya leloko la Juda e fentše. O rile, “Se lle, Johane. Gobane Tau ya leloko la Juda, Modu wa Dafida, o hlotše. O šetše a fentše. O e dirile. Go fedile, Johane.” Fše! Oo, oo, nna! O tšweleditše setlošadipatso seo se romelago sebe mmogo morago go diatla tša krisi tše...ka bohlale bja gagwe, yo a e tšhilafaditšego, motho. Ee.

¹⁸¹ Eupša ge Johane a retologile go lebelela, o bone Kwana. A phapano go tšwa go Tau! O rile, “Tau e fentše.” Le a bona, gape, nka šomisa yeo fale, Modimo a iphihla mo bonolong. O rile, “Tau seo.” Yoo ke kgoši ya sebata. “Tau e hlotš.” Selo sa go tia kudu se lego ke tau.

¹⁸² Ke robetše ntle ka masoding ka Afrika, le go kwa di—di dithutlwa di tswinya. Gomme—gomme ye kgolo, tlou ye maatla, ka pogo ya gagwe ka moyeng, “Kwii, kwii, kwii.” Gomme go kwa tše—tše—tše šoro tša leganata di goeletša ntle ya tšona ya madi, mello ya go gatsetša. Le di—di dikhunkhwane, go fihla...Gomme Billy Paul le nna re robetše ka go lefelo le lennyane la kgale re apešitšwe godimo ka diloka. Gomme re ekwa, kgolekgole, tau e rora, gomme se sengwe le se sengwe mo leganateng se a homola. Le dikhunkhwane di emiša goeletša. Kgoši e a bolela. Oo, oo, oo, oo, nna!

¹⁸³ Ke a le botša, ke ge dikerekemaina le dipelaelo di wela mobung. Se sengwe le se sengwe se a homola ge Kgoši e bolela. Gomme Yo ke Kgoši, leo ke Lentšu la Gagwe. Oo!

¹⁸⁴ O rile, “Johane, se tshwenyege. Se lle. Se robagane, Johane. Ke na le wena mo ka ponong; Ke go laetša se sengwe. Gomme ke a tseba o hlakahlakane, ka baka la gore, o a tseba, fao ga go selo go lopollwa, se sengwe le se sengwe se ile; ga go yo a ka kgonago go fihlelela senyakwa. Eupša Tau ya leloko la Juda . . .”

¹⁸⁵ Le a tseba, ya Juda...Re bile le yona, le godimo ga letlapantsho fa, le a tseba. Moloko wa Juda, leswao, e be e le tau.

¹⁸⁶ Elelwang, tau, le—le pholo, le...le go ya pele, hlogo ya motho, le go ya pele. Gomme bona ba šeditše, Barongwabatuki bale, Lentšu lela; mola bohle, Mareka, Mateo, Luka, le Johane, bohle ba eme go dikologa Puku ya Ditiro.

¹⁸⁷ Gomme ke kwele monna a re, modiredi yo mogolo, o rile, “Puku ya Ditiro e no ba mošomo wa go se hlamatsege.”

¹⁸⁸ E bile Morara wa pele wo Kereke ye kgethwa e kilego ya o tšweletša. Uh-huh! Ee, mohlomphegi. Gomme O kile a bea pele wo mongwe, e tla ba mohuta woo, le wona. Ee, mohlomphegi! O na le merara tsoko ya go hlomesetšwa, gomme e enywa diswiri. E swanetše go ba dinamune. Eupša . . . Le a bona? Ge Morara wola—wola Morara o ka tsoge wa hloga lekala la Wona gape, Le tla no ba tlwa go swana le la setlogo.

¹⁸⁹ Gomme Mateo, Mareka, Luka, le Johane, Diebangedi tšela di eme fale di hlapeditše Yeo. Bohlale bja motho; maatla a tau; mošomo wa pholo; le lebelo la lepogo . . . goba ntšhu, a ke re. Ee, Diebangedi di eme fale! Eng? Le elelwa ge re bile le yona? [Phuthego e re, “Amene.”—Mor.] E ka go *Mabaka a Šupago a Kereke*.

Bjale o rile, “Tau ya leloko la Juda.”

¹⁹⁰ Gobaneng go tšwa go Juda? “O Juda, mofamolao a ka se ye pele ga yona, gare ga matolo a gagwe, go fihla Silo a etla. Eupša O tla tla ka Juda.”

¹⁹¹ “Gomme Tau, leswao la leloko la Juda, e fentše. O fentše.”

¹⁹² Gomme ge a lebeletše tikologong go bona mo Tau yela e bego e le gona, o bone Kwana. Go a tlabla, a lebelela bakeng sa Tau gomme o bone Kwana. Mogolo o Mmiditše Tau. Eupša ge Johane a lebeletše, o bone Kwana, “Kwana bjalo ka ge E hhabilwe go tloga motheong wa lefase.” Kwana e hhabilwe. E be e le eng? Kwana yela e be e le eng? E be e tletše madi, e gobetše. “Kwana ye e bego e hhabilwe, eupša e be e phela gape.” Gomme O be a tletše madi. Oo, nna!

Le ka kgona bjiang go lebelela go Yeo, magageso, gomme la fela le le modiradibe?

¹⁹³ Kwana e gatetše godimo. Mogolo o rile, “Tau e fentše, Tau ya leloko la Juda.” Gomme Johane o lebeletše go bona Tau, gomme fao go tlide Kwana, e roromela, Madi godimo ga Gagwe, dintho. O be a hlotše. O ka kgona go bolela gore O be a le ntweng. O be a hhabilwe, eupša O be a phela gape.

¹⁹⁴ Johane ga se a lemoga Kwana ye pele, le a tseba, mo. E be e se ya bolelwa pele. Ga go felo E ilego ya bolelwa. Johane ga se a E bona, gohle godimo ga Magodimo, ge a be a lebeletše. Eupša E tla pele fa.

¹⁹⁵ Hlokamelang moo E tšwago. E be e etšwa kae? E tšwa Teroneng ya Tate, moo A bego a dutše ge e sa le A be a hhabilwe le go tsoga gape. “O tsogile gomme o dutše ka seatleng se setona sa Modimo, a phela ka mehla go dira poelano.” Amene. O tsogile kua, lehono, bjalo ka Mmoelanyi, ka Madi a Gagwe Mong, go dira poelano godimo ga go hloka tsebo ga batho. Bjale, yoo ke Yena

ke ithekglego ka yena. O be a sa khupeditšwe ka setlošadipatso, setlošadipatso sa tebalelo ya sebe.

¹⁹⁶ Johane o lebeletše Kwana yela, gomme Kwana e bonagetše eke E be e hlabilwe. Gomme ka gona o lemogile E gobaditšwe, le go segwa, le go tlapiriganywa, le go tšwa madi. Kwana ya madi, yeo ke ye e tserego lefelo la rena. A ga go makatše, Kwana ye bonolo e ile ya swanela go tšea lefelo la rena? Gomme o bone Kwana. O tšwetše ntle.

¹⁹⁷ Johane ga se a ke a Mmona, ka baka la gore O be a le moragorago ka go Mabokagosafelego, le go dira poelano; le go bontšha gore bale ba ba bego ba tlie go Modimo, ka tlase ga moneelo wa madi a dipoo, a dipudi, moneelo wa kemedi, gape O... Ka gore, bona ba ba o dumetšego, ba Mo šupeditše. Gomme Madi a be a sešo a tshollwa le bjale, kafao O be a le fao go ba hlwekiša. O be a le fao go hlwekiša wena le nna.

¹⁹⁸ Gomme, O Modimo, ke a holofela O gona bošegong bjo. Bakeng sa modiradibe yo mongwe le yo mongwe, Kwana e hlabilwego. Jehofa a ka kgona bjang go bona e ka ba eng eupša Kwana yela ya madi e eme fale!

¹⁹⁹ Gomme Kwana e tšwetše ntle ka ponong bjale, bjalo ka ge E ke e hlabilwe. Hlokamelang, go tšwa Teroneng ya Tate. Oo, naganang! Yena, O gatetše go tšwa kae, go tla ponong ye? O tšwa Letagong, moo A dutšego ka seatleng se setona sa Modimo. O gatetše pele, go Johane, go tšwa Letagong.

²⁰⁰ Oo, a e ka se be selo sa letago ge dikgopolو tša rena tša sebe, bošegong bjo, di ka kgona go beelwa thoko botelele go lekanelo go Mo amogela, gomme O tla batamela tsela yohle go tloga Letagong, bošegong bjo, go itira Yenamong go tsebjia go e ka ba mang wa lena!

²⁰¹ Kwana e gatelapele go tšwa Letagong, bakeng sa poelano, go lokile, go dira dittleleimi bjale bakeng sa topollo ya Gagwe! Elelwang, O be a le mošomong wa Gagwe wa boboelanyi morago fa. Eupša, elelwang, Mahuto a a komana go bulwa, gomme Kwana e tšwa go lefelokgethwa la Modimo, e gatelapele go ya pele.

²⁰² Letang go fihla re fihla godimo kua, iri e tee yela, go tšea "iri ya seripa se tee" ye E homotšego. Sekgethwa se thunya muši. Ga go sa na poelano. Sehlabelo se tlogile. Ke Setulo sa Kahlolo. Ga go sa na Madi go sona gape, ka gobane Kwana ya go apešwa ke Madi e sepetše. Le se ke la leta go fihla nako yeo. Le elelwang ka go Testamente ya Kgale? Ge feela madi a be a tlogile go setulo sa kgaogelo, e be e le kahlolo; eupša ge feela madi a be a le godimo kua, go be go le kgaogelo. Eupša ge Kwana e sepeletše kgole, seo se e dirile!

²⁰³ O bile eng? O bile Mmoelanyi. Ga go motho yo mongwe! Mpotseng moo Maria a ka dirago poelano gona. Maria o be a ka kgona go neela eng? Mokgethwa Francis o be a ka kgona eng,

Mokgethwa Assis, goba e ka ba mang, le Mokgethwa Cecilia, a ke re, goba motho yo mongwe e ka ba mang? Johane ga se nke a ke a bona bakgethwa ba sekete ba etla go tšwa go boboelanyi. “O bone Kwana, Kwana ye e bego e hlabilwe, ya madi.” Ga ke kgathale ke bakgethwa ba bakae ba bolailwego; bohle ba be ba e swanelo, yo mongwe le yo mongwe wa bona. Boka lehodu le boletše mo sefapanong, “Re dirile sebe, gomme re swanelo se. Eupša Monna yo ga se a dira selo.” O be a le Monna a nnoši yo a bego a ne maswanedi.

²⁰⁴ Šo O a tla, go tšwa go lepokisi la boboelanyi. O tlela eng bjale? Mo hlokameleng! Oo, oo, oo, nna!

²⁰⁵ Johane o be a lla. Yona e kae—yona yohle? Go ya go direga eng?

²⁰⁶ O rile, “Se lle, Johane,” go boletše mogolo. “Tau še e a tla. O be a le Yena a hlotšego.” Ge a lebeletše, mo go tla Kwana, e kgamathetše madi, ye e bego e hlabilwe.

²⁰⁷ Eng kapa eng ye e bolailwego e kgamathetše madi. Le a tseba, e bolailwe. Molala wa yona o ripilwe go bulega, goba se sengwe. Madi a godimo ga yona gohle.

²⁰⁸ Mo go tla Kwana, e hlabilwe. Gomme O ttile pele, oo, nna, (eng?) go dira dittleleimi tša Gagwe godimo ga topollo ya Gagwe. Amene. Oo! Oo! Ke . . . A ga le ikwele go no ya godimo khoneng, go dula fase le go lla lebakana? Mo go tla Kwana, e sa thankgetše madi. Johane . . . Go be go se selo fale; batsebalegi bohle ba be ba eme tikologong, eupša go be go se le o tee wa bona a kgonnego go e dira. Kafao, mo go tla Kwana, bjale. Matšatši a Gagwe a poelanyo a fedile, matšatši a boboelanyi.

²⁰⁹ Moo ke ge Morongwa yo a eya go ema kua. Letang go fihla re tsena ka go Mahuto. “Gomme nako e kā se sa ba gona gape.” Yeo ke nnete. Sela “seripa sa iri sa setu.” Šetšang se se diregago ka go seripa sa iri sela sa setu, ge Lehuto lela la Bošupa, Lamorena la go latela bošego, Morena ge a rata.

²¹⁰ O tla pele (eng?) go tšea dittleleimi tša Gagwe bjale. Oo, nna! O tla pele go tšea dittleleimi tša Gagwe! Bjale, O be a dirile mošomo wa wa Lelokokgauswi. O be a ttile fase, a ba Motho, a hwa. O dirile modiro wa wa Lelokokgauswi wa topollo, eupša o be a se a be a bitšwa bakeng sa ttleleimi ya Gagwe. Bjale O tla lefelong la tiragalo go ttleleima ditokelo tša Gagwe, (hlokomela se se diregago) oo, nna, se A se hlabetšwego, ka gobane go beng wa Lelokokgauswi go motho, go hwa legatong la gagwe, go mo lopolla. Eupša, mogolo o be a nepile ge a rile O be a le “Tau,” le a bona. Mogolo o Mmiditše, o rile, “Tau.” Ka gore, O be a le Kwana, Mmoelanyi, Kwana e thankgetše madi, eupša bjale O tla pele bjalo ka Tau. Matšatši a Gagwe a poelanyo a fedile.

²¹¹ “A nke yena yoo a tšhilafetše a fele a tšhilafetše. A nke yena yoo a lokilego a fele a lokile. A nke yena yoo a lego yo mokgethwa

a fele a le yo mokgethwa.” Selo se tswaletšwe. Oo, ngwanešu! Gona eng? Gona eng?

²¹² Gomme, elelwang, e tla go lebaka la kereke la bošupa, ge diphiri tša Modimo di tla bulwa. Bjale šetšang sekgauswi ka kgonthé. Se ke se sengwe o swanetšego go se hwetša. Bjale, O be a dira mošomo wa Gagwe wa boboelanyi, a dira boboelanyi go modumedi. Lebaka la mengwaga ye dikete tše pedi O be a le morago kua, Kwana. Bjale O gatela pele go tšwa Bokagosafelego, go tšea Puku ya tokelo ya bong, le go kgaola Mahuto, le go utolla diphiri. Neng ka yona? Mo nakong ya bofelo.

²¹³ A le a e hwetša? [Phuthego e re, “Amene.”—Mor.] Go lokile, re tla ya pele nako yeo.

²¹⁴ Bjale, go kgaola Mahuto le go lokolla diphiri tšohle go bona, go morongwa wa bošupa, yo Molaeša wa gagwe o lego go utolla diphiri tšohle tša Modimo. Diphiri tša Modimo di robetše ka go Mahuto a Šupa a. Le a bona? Seo ke se A se boletšego mo. Diphiri tšohle di robetše ka go Mahuto a Šupa a.

²¹⁵ Gomme Kwana e tla pele bjale, go tloga go beng Mmoelanyi magareng ga Modimo le motho. O ba Tau. Gomme ge A eba Tau, O tšea Puku. Tše ke ditokelo tša Gagwe. Modimo o E swere, sephiri, eupša bjale Kwana e a tla.

²¹⁶ Ga go yo a kgonnego go tšea Puku. E sa le ka diatleng tša Modimo. Ga go mopapa, moprista, e ka ba eng e ka bago, ba ka se kgone go tšea (aowa) Puku. Mahuto a Šupago ga se a utollwa. Le a bona?

²¹⁷ Eupša ge, Mmoelanyi, ge mošomo wa Gagwe o dirilwe bjalo ka Mmoelanyi, O tla pele. Gomme Johane . . . Mogolo o rile, “Yena ke Tau.” Gomme O tla pele. Mo šetšeng. Oo, nna! Le a bona? O tla pele go tšea Puku, bjale šetšang, go utolla diphiri tša Modimo, gore ba bangwe ba thankile, ka go mabaka a ohle a dikerekemaina.

²¹⁸ Le a bona, morago, morongwa wa bošupa. Ge Puku ye, diphiri, ke Lentšu la Modimo, morongwa wa bošupa o swanetše go ba moporfeta, ka gore Lentšu la Modimo le tla go yena. Ga go baprista, bomopapa, goba e ka ba eng gape, ba ka kgonago go Le hwetša; Lentšu ga le tle go se sebjalo. Lentšu la Modimo le tla feela go moporfeta, ka mehla. Maleaki 4 o tshepišitše se sebjalo. Gomme ge a etla pele, o tla tše diphiri tša Modimo, moo kereke e bego e hlakahlakantšwe ka go dikerekemaina tšohle, “Le go bušetša Tumelo ya bana morago go botate.” Gomme ka gona kahlolo ya lefase e be e tla ratha, gomme lefase le be le tla tšhungwa. Gomme ka gona baloki ba tla sepela godimo ga melora ya ba babe, ka Mileniamong.

²¹⁹ A le a e kwešiša bjale? [Phuthego e re, “Amene.”—Mor.] Go lokile.

²²⁰ Ba bangwe ba be ba thankile, ka go lebaka la kerekeline. Eupša, le a bona, o swanetše go ba monna yo, morongwa wa bošupa wa . . . Kutollo 10:1-4 ke . . . Morongwa wa bošupa o na le diphiri tše Modimo di filwego go yena, gomme o fetša diphiri ka moka tše di bego di tlogetšwe, go theoga go kgabola mabaka a dikerekemaina.

²²¹ Bjale le kgona go bona gobaneng ke sa rathe go baena ba ka ka kerekengleina. Ke tshepedišo ya kerekeline! Ga ba, ga go bohlokwa go bona go leka go Le tseba, gobane Le ka se kgone go utollwa. Yeo ke go ya ka Lentšu. Ba Le tsea ka go ba gona, gomme ba dumela gore Le be le le fao, gomme ka tumelo ba sepela ka Lona, eupša bjale Le kgonthištšwe ka bohlatse. Amene. Oo, nna, a le—a Lengwalo!

²²² Bjale šetšang. Gona ke Yena, Kwana, yo a tšeago leemo la Gagwe la Segoši, ge bakgethwa ba Gagwe ba etla go Mo rweša mphaphahlogo, “Morena wa morena, le Kgoši ya dikgoši.” Le a bona?

²²³ Le a bona, “Nako e fedile.” Kutollo 10:6, “Ga go sa na nako gape.”

²²⁴ Hlokamelang, fao go na le “dinaka tše šupago” godimo ga Kwana ye. A le e hlokometše? “E na le dinaka tše šupago.” Re sa tšwa go fetša yeo. *Dinaka* di ra “maatla,” go phoofolo. Gomme, hlokamelang, O be a se phoofolo, gobane O tšere Puku go tšwa seatleng se setona sa Yena yoo a dutšego godimo ga Terone. Le a bona? Hlokamelang. Oo, nna!

²²⁵ Ke a dumela ke bile le seo se ngwadilwe fase felotsoko; oo, go kgaola Mahuto, le go tlemolla thaetlele, tokelo ya bong, le momo Molaetša go morongwa wa mafelelo. Gomme O tsea lefelo la Gagwe la Segoši. Seo ke se A tlago pele bjale go se dira.

Bjale šetšang, ge A etla ntle, “Dinaka tše šupago.”

²²⁶ Bjale, ge a bone Kwana ye, Johane a E lebeletše, E—E bonagetše eke O hlabilwe, e thankgetše madi. Gomme O tšwa Bokagosafelego, gomme O tlogetše go ba Mmoelanyi.

²²⁷ Gona rapela Maria bontši ka fao o nyakago! “Go be go se motho Legodimong, le lefaseng, goba go se motho, go se sephedi felo gape, se bego a ka kgona go e tšeа.” Johane ebile o llile ka yona. Oo, mogwera wa Katoliki, a ga o kgone go bona seo? O se ke wa rapela motho yo mongwe yo a hwilego.

²²⁸ Kwana ke Mmoelanyi a nnoši. Le a bona? O bile Yena yoo a tlidego pele. Gomme O dirile eng bjale? O bile morago mo a phophothela, go fihla Madi a Gagwe a lebalela bakeng sa motho yo mongwe le yo mongwe. Gomme Kwana, bjale, e tseba se se ngwadilwego ka Pukung. Kafao, O tsebile go tloga motheong wa lefase maina a bona a be a le ka Fale, kafao O eme morago mo le go amo- . . . le—le, eupša, o dirile mošomo wa Mmoelanyi ka mokgwa wo go fihla . . . mošomo wa boboelanyi, go fihla yo

mongwe le yo mongwe yo a beilwego ka Pukung a lopolotšwe, gomme go fedile. Gomme bjale O sepelela ntle. Le a bona? O dirile modiro wa Gagwe wa wa Lelokokgauswi. Yena ke tšohle . . . Le tseba se mošomo wa wa Lelokokgauswi o bego o le sona? Go paka pele ga bagolo. Le elelwa Boase a raga go tloša seeta sa gagwe, le go ya pele? O dirile sohle se bjale.

²²⁹ Bjale O tla go tšea Monyalwa wa Gagwe. Amene. O tla bjale bjalo ka Kgoši. O lebeletše Kgošigadi ya Gagwe. Amene. Amene. Ka go Puku ye ke sephiri ka moka sa Yona, e phuthetšwe godimo go dikologa, Mahuto a Šupa. Oo, ngwanešu! Mahuto a Šupa, a Mo letetše gore a tle. Hlokomelang.

²³⁰ A re hwetšeng dika tše. Gabotse, e no ba iri ya senyane. Re na le diiri tše tharo goba bontši, go ya. Re na le . . . a re nong . . . Sathane o tšwelapele a mpotša bona batho ba a lapa, kafao ke a thanka ba a dira. Eupša a re—a re tšeeng se, go le bjalo.

²³¹ “Dinaka tše šupago” e be e le dikereke tše šupago, le a bona, mabaka a šupago a kereke, gobane yeo e be e le tshireletšo ya Kwana. Se A širereditšego ditokelo tša Gagwe ka sona, lefaseng, e be e le Sehlopha se se rometšwego ke Modimo sa batho bao ba širereditšego; le a bona, lenaka godimo ga Kwana.

²³² “Mahlo a šupago” ke batseta ba šupago ba mabaka a šupago a kereke. “Mahlo a šupago,” baboni ba šupago.

²³³ A le ka rata go ngwala fase Lengwalo le lengwe? A re nong go retologela go lona. Le reng, le na le nako yeo ye ntši? [Phuthego e re, “Amene.”—Mor.] Go lokile. A re yeng go Sakaria, Puku ya—ya Sakaria, feela gannyane nthatana, gomme re tla—re tla bala ye nngwe ya se.

²³⁴ Ga—ga ke nyake go le swarelela botelele kudu go dilo tše. Gomme—gomme ke . . . Eupša, go le bjalo, ga ke nyake le e foše. Ke eng se bohlokwa kudu go feta se? Ya. Ke eng gape . . . [Yo mongwe ka phuthegong o re, “Ngwanešu Branham?”—Mor.] Eng? [“Ga o ele seo.”] Ga go selo se bohlokwa kudu go feta Bophelo bjo Bosafelego go motho. Gomme re swanetše—re swanetše go hwetša se bjale, gomme—gomme re be le nnete gore re a se hwetša. Go lokile. Go lokile, mohlomphegi.

²³⁵ Gomme bjale re nyaka go bala Sakaria tema ya 3. Ke nagana yeo ke nnete, bjale, Sakaria 3. Re ya go no hwetša dika tše mo, ge ke na le Mangwalo a ka a ngwadilwe fase. Ke be ke no golela gohle lefelong, morago ga sekalela se, ge ke betha se. Kafao ke—ke no se tsebe ge eba ke ne yona gabotse, goba aowa. Ke a holofela ke nayo. Sakaria 3, a re boneng ge eba ke . . . Ke ne 89 fa, eupša e swanetše go ba 8 go ya go 9. Go lokile. Go lokile. Ke a tseba e ka se be 89. Sakaria 3:8 le 9.

Kwa bjale, O Joshua moprista yo mogolo, wena, le baisa ba gago bao ba dutšego le wena: ka gore ke bona banna ba maketšwego: ka gore, bonang, Ke tla tliša pele mohlanka wa ka LEKALA (Kriste).

Ka gore bonang letlapa le Ke tla le beago pele ga Joshua; godimo (letlapa) letlapa le tee e tla ba mahlo a šupago: (mahlo a šupago), bonang, Ke tla tloka motloko godimo ga lona, go rialo MORENA wa mašaba, . . . Ke tla tloša bokgopo bja naga ka letšatši le tee.

²³⁶ Bjale a re phetleng godimo go Sakaria 4:10, 4:10. Theetšang.

. . . yo a nyaditšego letšatši la dilo tše dinnyane (Modimo mo bonolong, le a bona)? ka gore ba tla hlalala, gomme . . . go bona seela ka diatleng tša Serubabele le ale . . . le ale a šupago; a ke mahlo a MORENA, ao a kitimago go ya le go bowa go kgabola lefase ka moka.

²³⁷ “Mahlo a šupago.” *Mahlo* a ra “go bona.” *Go bona* go ra “baprofeta, baboni.” Kwana ye e be e na le dinaka tše šupa, gomme godimo ga lenaka le lengwe le le lengwe le be le na le leihlo, “mahlo a šupa.” Ke eng? Kriste le Monyalwa wa Gagwe; mabaka a šupago a kereke. Go tšwa fao go be go le baprofeta ba ba šupago ba ba ilego pele, baboni ba ba šupago, mahlo. Kafao, wa mafelelo e swanetše go ba mmoni. Go lokile.

²³⁸ Hlokamelang, Yena ga se phoofolo. “O tšere Puku go tšwa seatleng se setona sa Yena yoo a dutšego godimo ga Terone.” E be e le Mang? Mo—mo Mong, Mong wa setlogo, yo a bilego le Puku ya Topollo ka seatleng sa Gagwe se setona. Gomme ga go Morongwa, ga go Sephedi sa Barongwa, ga go selo gape, se ka tšeago lefelo. “Gomme Kwana ye ya madi e sepeletše ntle gomme ya tše Puku go tšwa seatleng sa Gagwe.” Fše! E be e le eng? Ngwanešu, se ke selo sa makgethe kudukudu ka Lengwalong. Tiro ye go sego Morongwa, go sego selo, a ka kgona go e dira. “Gomme Kwana ya tla gomme ya E tše go tšwa seatleng se setona sa Yena yo a dutšego godimo ga Terone.”

²³⁹ Ke eng? Bjale Ke ya Kwana. Amene. Melao ya Modimo e e nyakega. Ke Yena yo a E swerego. Molao wa Modimo o nyakile Molopolodi wa Lelokokgauswi. Gomme Kwana ya tla ntle, e E swere, “Ke nna wa Lelokokgauswi wa bona. Ke nna Molopolodi wa bona. Bjale ke . . . Ke dirile poelano bakeng sa bona, gomme bjale Ke tlie go tleleima ditokelo tša bona bakeng sa bona.” Amene. Fao go yo Motee a nnoši. “Ke tlie go tleleima ditokelo tša bona. Ka go seo, ba na le tokelo go se sengwe le se sengwe seo se timetšego ka go weng, gomme Ke lefile poreisi.”

²⁴⁰ Oo, ngwanešu! Fše! A seo ga se le dire le ikwele bodumedi ka gare? “E sego ka mediro ye mebotse ye re e dirilego, eupša ka kgaogelo ya Gagwe.”

²⁴¹ Oo, ema motsotso! Gomme bona bagolo le se sengwe le se sengwe gape ba thoma go lahla mefapahlogo, gomme bahlomphegi ba thoma go ya fase, le a bona.

Ga go yo motee, ga go yo motee a bego a ka kgona go e dira.

²⁴² Gomme O sepelela thwi godimo go seatla se setona sa Modimo, gomme o tšere Puku go tšwa seatleng sa Gagwe, gomme o tteleimile ditokelo tša Gagwe. “Ke ba hwetše. Ke nna Molopolodi wa bona wa Lelokokgauswi. Ke nna. Ke nna Mmoelanyi. Madi a Ka a tšholotšwe. Ke bile Motho. Gomme ke dirile se gore ke hwetše Kereke yela morago gape, Yona ke e bonegopele pele ga motheo wa lefase. Ke E rerile. Ke E boletše, E tla ba gona. Gomme ga go yo a bego a kgona go E tšea, eupša Ke ile tlase le go e dira, Nnamong. Ke nna wa Lelokokgauswi wa bona. Ke bile wa leloko.” Gomme O tšea Puku. Amene!

²⁴³ Oo, ke Mang a ntetetšego Kua bošegong bjo? Ke mang Yola, kereke, yo a letilego Kua? Ke eng gape e ka kgonago go leta Kua bakeng sa gago? Molopolodi yola wa Lelokokgauswi! Oo, nna! A setatamente sa makgethe, goba tiro!

²⁴⁴ Bjale O na le tokelo ya bong ya topollo. O na le Yona ka seatleng sa Gagwe. Boboelanyi bo fedile bjale. O na le Yona ka seatleng sa Gagwe. Elelwang, E bile ka seatleng sa Modimo, nako yohle, eupša bjale E ka seatleng sa Kwana. Bjale šetšang. Tokelo ya bong ya topollo, ya tlholo yohle, e ka seatleng sa Gagwe. Gomme O tlide go E tteleima morago, le yena, go morafe wa batho. E sego go E tteleima morago go ya go Barongwa. O E tteleimile morago go ya go motho, ye E filwego, go dira barwa le barwedi ba Modimo gape; go ba tlisa morago go serapa sa Edene, se sengwe le se sengwe ba se lobilego; tlholo ka moka, mehlare, bophelo bja phoofolo, se sengwe le se sengwe gape. Oo, nna!

²⁴⁵ A seo ga se le dire le ikwele gabotse? Fše! Ke naganne ke be ke lapile, eupša ga ke bjale. Le a bona? Dinako tše dingwe ke nagana ke ba—ba yo mogolo kudu go rera, gomme ka gona ke ya go bona se sengwe boka seo, gomme ke nagana ke nna lesogana gape. Ee. Uh-huh. Hum! E dira se sengwe go wena. Le a bona?

²⁴⁶ Ka gore ke tseba se, gore go na le yo Mongwe Fale a ntetetšego. Go na le yo Mongwe o lefile poreisi yeo nka se kgonego go e lefa. Yeo ke nnete. O e diretše nna, Charlie. O go diretše yona. O e diretše moloko ka moka wa motho. Gomme bjale O tla pele go tteleima ditokelo tša Gagwe tša topollo. O tteleimetše mang? E sego bakeng sa Yenamong; bakeng sa rena. Ke yo mongwe wa rena. Ke wa leloko wa rena. Oo, nna! Ke Ngwanešu wa ka. Yena ke Mopholoshi wa ka. Yena ke Modimo wa ka. Yena ke Molopolodi wa ka wa Lelokokgauswi. Yena ke tšohle. Ka gore ke be le eng ntle le Yena, goba ke be nka kgona go ba eng ntle le Yena? Kafao, le a bona, Yena ke Tšohle tša ka. Gomme O eme Fale bjalo ka wa rena wa leloko. Gomme bjale O be a re phophothela, godimo go fihla nako ye. Gomme bjale O tla pele le go tšea Puku ya Topollo, go tteleima ditokelo tša Gagwe, tša se A re diretšego.

²⁴⁷ Ba a hwa. Jesu o rile, “Yo a dumelago go Nna, le ge a hwile, go le bjalo o tla phela. Mang le mang a phelago gomme a dumela

go Nna a ka se tsoge a hwa. Yo a jago nama ya Ka gomme a nwa Madi a Ka o na le Bophelo bjo bosafelego, gomme Ke tla mo tsoša ka letšatši la mafelelo.”

²⁴⁸ Ga go kgathale, o robala ka go tišo ya pele, ya bobedi, ya boraro, ya bone, ya bohlano, ya boselela, goba ya bošupa, kae kapa kae a robalago. Go tla direga eng? Phalafala ya Modimo e tla galagala. Phalafala yela ya mafelelo e tla thunyetša pele, nako ya go swana yeo morongwa wa mafelelo a fago Molaetša wa gagwe gomme Lehuto la mafelelo le butšwe. Phalafala yela ya mafelelo e tla galagala, gomme Molopolodi o tla pele go tšeа lefa la Gagwe le le lopolotšwego, Kereke ya Gagwe, mohlatswiwa ka Madi.

²⁴⁹ Bjale, oo, tlholo ka moka e letše ka seatleng sa Gagwe bjale, go yona polane ka moka ya topollo e bofilwego ka Mahuto a šupago a sephiri, ka go Puku ye yeo A e tšerego. Bjale šetšang: “Gomme Yena a nnoši a ka E utolla go e ka ba mang A ratago.” O ne Yona ka seatleng sa Gagwe, le a bona. Bjale, O tshepišitše e tla ba ka nako yeo, bjale, ka gore E bofilwe ka Mahuto a Šupago a sephiri, Puku ya Topollo. Bjale šetšang. Bjale ka ge bjale . . .

²⁵⁰ Bagwera, ke le boditše, go ya go le ntšha ka seripagare sa seswai, eupša ke lahletše matlakala a mararo goba a mane fa, go tla go ye. Kafao ke nyaka . . . Ke šetše ke le morago ga senyane. Gore le kgone go bowa morago gosasa.

²⁵¹ Eupša bjale ka go Puku semenwagašupa ye ya Mahuto, ya topollo, ye Kwana e e tšerego, ka go Yenamong, e bile Yena a nnoši Yo a kgonnego go e dira. Gomme O E tšere go tšwa seatleng se setona sa Yena yoo a dutšego godimo ga Terone, bjale, go tteleima topollo ya Gagwe, go tteleima ditokelo tša Gagwe. Go tteleima, go nna le lena, se A re lopolotšego go tloga go sona, go ya go, le a bona, morago go se sengwe le se sengwe Adama a se lobilego ka serapeng sa Edene. O re lopolletše morago go seo.

²⁵² Bjale le Kwana, le Puku ka diatleng tša Gagwe, re komana go kgopela mogau le kgaogelo ya Gagwe godimo ga rena, go bula Puku ya Mahuto a Šupago go rena, le go re dira re lebelele go feta seširo sa nako, feela gannyane nthatana. Oo, nna! Hlokamelang ge A tšere Puku, tokelo ya bong, e bofilwe, (nno hwetša seo ka monaganong wa gago bjale), le go kgaola Mahuto a sephiri, go ba utolla, go ba tlisa go ba Gagwe, le a bona, balatedi bohle ba Gagwe ba ba lopolotšwego.

²⁵³ Bjale, ge re betha se ka go Mahuto, re ya go ya morago fale le go bona tšona disoulo ka tlase ga aletara, di goelela, “Morena, botelele gakaakang, botelele gakaakang?”

²⁵⁴ Gomme Yena šo bjalo ka Mmoelanyi, mo aletareng, “Feele botelele gannyane, go fihla go ne bontši go tlaišega boka lena.”

²⁵⁵ Eupša bjale O tšwa mo, ka go Lehuto le la mafelelo. Ga A sa le Mmoelanyi. Ke Yena Kgoši bjale. Gomme O dira eng? Ge A le Kgoši, O swanetše go ba le balatedi. Gomme balatedi ba Gagwe

ke bona bao A ba lopolotšego, gomme ba ka se kgone go tla pele ga Gagwe go fihla A tsea ditokelo tsa topollo. Gomme bjale O sepelela pele, go tloga go Mmoelanyi; moo lehu le re beago ka lebitleng, O tla pele le ditokelo. Amene.

²⁵⁶ “Gomme ebile le bale ba ba phelago le go šala go fihla go Tleng ga Gagwe, ba ka se šitiše ba ba robetšego. Ka gore phalafala ya Modimo e tla galagala, ka phalafala yeo ya mafelelo.” Ge Lehuto la mafelelo le kgaolwa, gomme ge morongwa wa bošupa a efa Molaetša wa gagwe, “Phalafala ya mafelelo e tla galagala, gomme bahu ka go Kriste ba tla tsoga. Gomme rena ba re phelago gomme ra šala re tla tseelwa godimo ga mmogo le bona, go kopana le Yena ka moyeng.” O a tteleima! O tlie pele bjale go tteleima lefa la Gagwe—la Gagwe.

²⁵⁷ Šetšang! Lebelelang se! Nna! O kgaotše Mahuto, o utolotše diphiri. O di utolotše (kae?) go lebaka la mafelelo la kereke, lona le nnoši le le phelago. Ka moka ga bona ba robetše.

²⁵⁸ O rile, “Ge A etla ka go tišo ya pele, tišo ya bobedi, tišo ya boraro, go ya pele go theoga go ya go tišo ya bošupa.” Ka go tišo ya bošupa, fao go tšwile ta—ta taelo, goba pitšo, “Bonang, Monyadi o etla!”

²⁵⁹ Gomme ge ba dirile, kgarebe ye e robetšego, dikereke tsa mehleng, o rile, “Oo, o a tseba, ke—ke a dumela ke tla rata go ba le Moya wo Mokgethwa wola.” A le lemogile Mapresbyterian le Maepiscopal? A le kwele Molaetša wa ka ka Phoenix, go bona banna ba ba emago godimo kua, ka go Segalontšu le kua, ba re...? Gabotse, bothata ke eng ka mongwadi yo, a rego, “Mokgethwa Tate *Semangmang*? Mola, Beibele e rile, “Le se ke la bitša motho, ‘Tate,’ ka mokgwa woo.” Le a bona, ba robetše le bona, ke ka lebaka leo, eupša ge ba etla pele le go re, “Ya, re a dumela.”

²⁶⁰ Mosadi o nno bitša mosadi yo mongwe, o rile, “O a tseba, ke nna Maepiscopal.” O rile, “Ke—ke—ke boletše ka maleme, letšatši le lengwe. Ke a dumela ke amogetše Moya wo Mokgethwa, eupša, šš, o se botše motho.” Ke belaela seo kudu. O ka no ba o boletše ka maleme. Eupša, o beile monna ka Mollong, o ya go dula go iketla bjang? Yeo ke nnete. Le a bona? Le a bona? A ka se kgone go e dira.

²⁶¹ A le ka eleletša Petro, le Jakobo, le Johane, le bona godimo ka kamoreng ya ka godingwana, ba re, “Oo, re na le Moya wo Mokgethwa bjale, eupša mohlomongwe bokaone re no homola”? Ngwanešu, ka mafastere, mabati, le se sengwe le se sengwe, ba ile, ntle ka mokgotheng, ba itshwara boka sehlopha sa matagwa. Woo ke Moya wo Mokgethwa wa kgonthe.

²⁶² Eupša, le a bona, kgarebe yela ya go robala ga e amogele selo, golebjalo. Uh-huh. Yeo ke nnete. Gomme elelwang, ge ba sa ile go leka go reka Oli, elelwang, Mangwalo ga a re ba E hweditše.

²⁶³ Eupša ge ba be ba le ntle ba leka go E reka, fao gwa tla modumo. Go diregile eng? Dikgarebe tšela tšohle tše di robetšego, di tsogile le go lokiša mabone a tšona, “le go ya ka gare go Selalelo.” A ke nnete?

²⁶⁴ Gomme ka moka ba be ba šadišeditšwe bakeng sa sekgao sa Tlaišego, nnete, “Go lla, go golola, le ditsikitlano tša meno.” Yeo ke kereke, e sego Monyalwa; kereke.

²⁶⁵ Monyalwa o ile ka gare. Fao go phapano yohle gare ga kereke le Monyalwa. Ee, mohlomphegi! Uh-huh. “O ile ka gare go Selalelo sa Monyanya.” Oo, hlokomelang, šaatena!

²⁶⁶ Mahuto a ile a kgaolwa (gobaneng?) ka lebakeng la mafelelo la kereke, go utolla Ditherešo tše. Gobaneng? Kwana e kgaotše Mahuto le go a utolla go Kereke ya Gagwe, gore a kgobokele balatedi ba Gagwe bakeng sa Mmušo wa Gagwe. Monyalwa wa Gagwe, le a bona! Oo, nna! O nyaka go tliša balatedi ba Gagwe go Yena bjale.

²⁶⁷ Ke eng? Go tšwa leroleng la lefase, go tšwa botlase bja lewatle, go tšwa meleteng, go tšwa mogohle le lefelo le lengwe le le lengwe, go tšwa go—go tšwa go dikgao tša leswiswi, go tšwa go paradeisi, e ka ba kae ba ka bago. O tla bitša, gomme ba tla araba. Amene! Amene! O tla bitša, gomme ba tla araba.

²⁶⁸ O ttile go tšea balatedi ba Gagwe. O utolotše diphiri tša Gagwe, gomme ba Se bone. “Gomme nako ga e sa le gona,” ka nako yeo. “Nako e fedile.” E fedile. Go lokile.

²⁶⁹ O tlogela Terone, go ba Mmoelanyi, bjalo ka Kwana ye e bolailwego; go ba Tau, Kgoši; go tliša lefase Kahlolong, yo a gannego Molaetša wa Gagwe. Yena ga se Mmoelanyi.

²⁷⁰ Elelwang thuto ya Testamente ya Kgale bjale, ge re itlhaganela. Ge madi a tlogile go setulo sa kgaogelo, e be e le eng? Setulo sa kahlolo.

²⁷¹ Gomme ge Kwana, e hilabilwego, e sepeletše pele go tloga Bokagosafelego, go tšwa Teroneng ya Tate, gomme o tšere ditokelo tša Gagwe, e be e le Setulo sa Kahlolo. Ka gona A tla, e sego Kwana, eupša Tau, Kgoši, gomme O bitša Kgošigadi ya Gagwe go tla go ema lehlakoreng la Gagwe.

²⁷² “A ga le tsebe bakgethwa ba tla ahlola lefase?” Daniele o rile, “Kahlolo e beilwe, gomme dipuku di butšwe; gomme dikete tše lesome atiša ka dikete tše lesome di Mo hlanketše,” Kgoši le Kgošigadi. “Gomme ka gona Puku ye nngwe ya bulwa, e bego e le Puku ya Bophelo,” yeo ke ya kereke. Gomme Kgošigadi le Kgoši ba eme fale.

²⁷³ Bjalo ka ge koša ya makhapoye e boletše:

Bošego bja go feta ge ke robetše molaleng,
 Ke tsepeletše dinaledi lefaufaung,
 Gomme ke maketše ge eba e ka ba lekhapoye
 Le ka kgonago go fapogela go taelano yela ye
 bose.

Go na le tsela ya go ya go sela sa go phadima,
 Selete sa lethabo,
 Eupša ke wa go fifala, mohlala wo mosese, ba
 boletše bjalo,
 Eupša ye e phatlaletše go e iša tahlegong
 E beilwe le go swa tsela yohle.

Ba bolela ka Mong yo mongwe yo mogolo,

²⁷⁴ O bolela ka mabakeng a bophelo bja gagwe bja dikgomo. O
 kile wa ba ka go tlhahleleng, o be o ka kgonago e bona molaleng.

Ba bolela ka Mong yo mongwe yo mogolo,
 Gomme Yena ga se a ke a tsoge a ba le mohlape
 go fetiša, ba boletše bjalo,
 Ka mehla o tla direla modiradibe sebaka
 Yoo a tla tsekellelago godimo ga yeo ya go
 otlologa, tsela ye tshese.

Ba re A ka se tsoge a go tlogela,
 Gomme O tseba tiro ye nngwe le ye nngwe le
 go lebelela;
 Ka gore, bakeng sa polokego, bokaone re be le
 go swaiwa,
 Re be le leina la rena godimo ga Puku ya Gagwe
 ya go bala ye kgolo.

Ka gore ba re go tla ba le tlhahlelo ye kgolo,
 Ge makhapoye go swana le mpša a tla ema,
 Go swaiwa ke banamedi ba kahlolo, (Bona
 baprofeta le baboni.)

Bao ba beilwego le go tseba leswao le lengwe le
 le lengwe.

²⁷⁵ Ge o kile wa ba ka go tlhahlelo, o bona molaodi a ema ntle
 fale, le banamedi, le mpilobilo ka go mohlape wola wa dikgomo.
 O tla bona leswao la gagwe mong le feta, gomme o tla laetša
 molaodi. Gomme molaodi o tla le bona, gomme a mo fa go dumela
 ga hlogo. Pere ya gagwe le kitimela thwi ka gare, go dikologa
 mpilobilo wo, sehlopha sa dinaka tša go kgopama go swana le
 seo, gomme a sega dikgomo tša gagwe mong ntle. Le a bona?

Ba re go tla ba le tlhahlelo ye kgolo,
 Gomme makhapoye go swana le dimpša a tla
 ema,
 Bao ba tla swaiwago ke banamedi ba kahlolo,
 Bao ba beilwego le go tseba leswao le lengwe le
 le lengwe. (Le a bona?)

²⁷⁶ Kafao o rile:

Ke a thanka ke tla be ke le lebotlana la go
timela,

Feela monna yo a ahloletšwego go hwa, a sa swaiwago, yena,
ba dira sopho go tšwa go yena, le a bona.

Yoo a tla ripšago ka go sehlopha le
basehlamatsege,
Ge Molaodi wa banamedi bale a etla kgauswi.

²⁷⁷ Le bona Yo A lego? "Molaodi wa banamedi." Yeo ke Kwana,
go batseta ba šupago ba ba romilwego le go tseba leswao le
lengwe le le lengwe. Le a bona? Hmm!

²⁷⁸ Hlokamelang, šo O a tla. O tlogela Terone, bjalo ka
Mmoelanyi, bjalo ka Kwana ye e bolailwego; go ba Tau, Kgoši, go
tiša lefase ka moka ka Kahlolong, leo le gannwego. Molopolodi
wa rena wa Lelokokgauswi gona ke Kgoši godimo ga bohole.
Gobaneng? O ne tokelo ya bong ya topollo. Yohle e letše ka
seatleng sa Gagwe. Ke thakgetše ke a Mo tseba. Le a bona?

²⁷⁹ Ka gona o tteleima bohwa bja Gagwe; yeo ke Kereke,
Monyalwa. O a E tteleima.

²⁸⁰ O dira eng gona? O amoga mophenkgišane wa Gagwe,
Sathane. O mo lahlela ka go Letsha la Mollo, le bohole bao ba
bego ba šušumeditšwe ke Sathane, go gana Lentšu la Gagwe
la topollo.

²⁸¹ Ke Yena Kgoši bjale. Kgaogelo e sa le godimo ga Terone. Le
se ke la gana moneelo wa Gagwe. Le a bona? Banamedi ba tseba
feela yo o lego.

²⁸² Gomme, bjale, mophenkgišane wa Gagwe, yo a Mo filego
bothata lebaka la mengwaga ye dikete tše pedi, a tteleima, "Nka
dira ka bona se ke nyakago go se dira. Ke sa na le bona. Ke ba ka.
Ke... Ba lahlegelwa ke thaetlele morago kua."

²⁸³ Eupša Yena ke Molopolodi wa Lelokokgauswi. O rile O
morago mo o dira dipoelano bjale. Eupša letšatši le lengwe... .

O re, "Ke tla ba Bea ka lebitleng."

²⁸⁴ Eupša O boditše Kereke, "Ke tla le ntšha." Le a bona?
"Eupša, sa pele, ke swanetše go ba Mmoelanyi."

²⁸⁵ Bjale O tla pele, o gatela ntle go tšwa Bokagosafelego morago
mošola, go tšwa Teroneng ya Tate, moo A dutšego bjalo ka
Mmoelanyi. Bjale O tla go ba Kgoši, oo, go buša ditšhaba
tšohle ka molamo wa tshipi. Kahlolo e beilwe. Oo, ngwanešu,
Molopolodi wa rena wa Lelokokgauswi o e swere yohle. Yeo ke
nnete. Ee, mohlomphegi.

²⁸⁶ O dira eng? O bitša seatla sa mophenkgišani yola, Sathane.
"Ke ba ka bjale. Ke ba tsošitše go tšwa lebitleng." Gomme O
tšeа baaketši bohole, le baaroši ba Lentšu, le bohole boka bao, le

Sathane, le go ba senya ka go Letsha la Mollo. O fedile gohle, bjale. O ba lahlela ka Letsheng la Mollo. Oo, nna!

²⁸⁷ Le a tseba ke eng? Ke nyaka—ke nyaka go bolela se sengwe mo pele re tswalela. Gomme ka gona re tla—re tla—re tla hlaganelia. Hlokamelang. Re fase bjale go temana ya 7. Eupša go tloga go temana ya 8, go ya go ya 14, ke nyaka le hlokomele se se diregago.

Tšohle tše di bego di le *legodimong*, le tšohle tše di bego di le *lefaseng* . . .

²⁸⁸ E nong go theetša se. A ke nong go e bala bjale. Ke a dumela go tla ba kaone ge nka no e bala go tšwa Pukung, ka temana ya 7, le a bona. Gomme šetšang temana ya 6.

Gomme ke—gomme ke a bona, ke lebeletše, gomme, bonang, ka bogareng bja terone le bja dibata tše nne, gomme le magareng ga bagolo, go eme Kwana bjalo ka ge e hlabilwe, e na le dihlogo tše šupa . . . goba dinaka tše šupa (ke ra) le mahlo a šupa, (re sa tšwa go e hlatholla), e lego Meboya ye šupago ya Modimo e rometswego go lefase lohle.

²⁸⁹ Le a bona, mabaka a šupago a kereke, batseta ba ba šupago bao ba bolokilego Mollo wola o tuka. Le a bona? Go lokile.

Gomme o tlie (Kwana) gomme o tšere puku go tšwa seatleng se setona sa yena yoo a dutšego godimo ga terone—a dutšego godimo ga terone.

²⁹⁰ Bjale šetšang. Gomme ge A dirile seo, šetšang se se diregilego. Le bolela ka megobo! Bjale ye ke go kgaolwa ga wona Mahuto tlwa, go direga. Re tla tsena ka go “seripa sa iri sa setu,” feela ka morago ga se. Šetšang se, gomme re tla thoma ka gare. Re tla fetša ye, Lamorena la go latela bošego, thwi mo. Gomme theetšang sekgauswi bjale. A le komana? E reng, “Amene.” [Phuthego e re, “Amene.”—Mor.] Theetšang kgauswi, se se diregilego ge A dirile se.

²⁹¹ Ge tlholo yohle e be e tsetla; ga go yo a tsebilego a dire eng, gomme Johane o be a lla. “Kwana še e a tla, e sepeletše godimo!” Gomme Puku ye e be e le ka diatleng tša—tša Mong wa setlogo, gobane motho o be a wele le go E loba. Gomme ga go motho a bego a kgona go E tšea, gape, go lopolla lefase; e sego moprista, mopapa, e sego selo, bjalo ka ge ke boletše. “Eupša Kwana e tla godimo!” E sego Maria, e sego mokgethwa *yo*, goba mokgethwa *yoo*. “Kwana e tlie godimo, e kgamathetše madi, e hlabilwe, gomme e tšere Puku go tšwa seatleng se setona sa Yena yoo a dutšego godimo ga Terone.” Gomme ge ba bone go be go le Molopolodi; le tšohle di—di disoulo ka tlase ga aletara, ge Barongwa, ge bagolo, ge se sengwe le se sengwe se e bone, ge se se dirwa. E, go le bjalo, e robetše ka moso. Bošegong bjo Ke Mmoelanyi, eupša O tla go se. Šetšang.

Gomme ge a tšere puku, dibata tše nne le ba bagolo ba masomepedi nne ba wetše pele ga Kwana, ba na le yo mongwe le yo mongwe wa bona diharepa, le meruswi ya gauta e tletše dinoko, e lego dithapelo tša bakgethwa.

²⁹² Bao ke bao ba lego ka tlase ga aletara, ba ba rapetšego, lebaka le letelele kudu. Le a bona, ba rapeletše topollo, ba rapeletše tsogo. Gomme fa bagolo ba—ba ba tšollela dithapelo tša bona ntle pele... Ka gore, bjale re na le Moemedi, re na le wa Lelokokgauswi Legodimong, yo a tlilego pele go dira ditleleimi tša Gagwe.

Gomme ba be ba opela pina ye mpsha, ba re, Wena o a swanela go tšea puku, le go buļa mahuto a yona: gobane o hlabilwe, gomme o re lopolletše Modimo wa rena (šetšang) ka madi a gago go tšwa go moloko wo mongwe le wo mongwe, ... leleme, le batho, le setšaba;

Gomme o re dirile go Modimo wa rena magoši le baprista: gomme re tla rena lefaseng.

²⁹³ Ba nyakile go tla morago. Gomme šeba ba ya morago, go ba dikgoši le baprista.

²⁹⁴ Letago go Modimo! Ke ikwela gabotse go lekanelo go bolela ka maleme. Lebelelang. Šetšang. Ee. Go bonala eke ga ke ne polelo ya go lekanelo; nka Mo tumišago ka yona. Ke hloka le letee leo eibile ke sa le tsebego.

²⁹⁵ Hlokamelang, “Gomme ke lebeletše...” Theetšang se.

Gomme ke lebeletše, gomme ke kwele segalontšu sa barongwa ba bantsi...

²⁹⁶ Theetšang se megobo e yago pele! Ge ba bone Kwana yela e etla gomme ya tše Puku yela ya Topollo, disoulo di goeleditše ntle. Re tla e hwetša. Bohle, se sengwe le se sengwe, bagolo ba wetše fase. Ba tšollela dithapelo tša bakgethwa. Eng? Go be go emetšwe wa Lelokokgauswi go rena. Ba wele ka difahlego tša bona. Gomme ba opetše koša, gomme ba rile, “Wena o ne maswanedi, gobane O hlabilwe!” Šetšang se... Gomme lebelelang Barongwa ba!

Gomme ke lebeletše, gomme... kwele segalontšu sa barongwa ba bantsi go dikologa go rarela terone le dibata le bagolo: gomme palo ya bona e be e le dikete tše lesome atiša ka dikete tše lesome, ... tša dikete; (Fše! Hlokamelang!)

Ba bolela ka segalontšu se segolo, Kwana ya Maswanedi ke ye e bolailwego go amogela maatla, le mahumo, le bohlale, le maatla, le tlhompho, le letago, le ditšhegofatšo.

²⁹⁷ A megobo e yago pele ka Legodimong, ge Kwana yela e hlahlala, e tlogela lepokisi lela la boboelanyi, go tla mo go tše ditleleimi tša Gagwe!

²⁹⁸ Le a tseba, seo se fihlile kgauswi le Johane. O swanetše go be a bone leina la gagwe le ngwadilwe fale. Ge ona Mahuto a kgaotšwe, o swanetše go be a thabile ka kgonthe. Theetšang se a se boletšego.

Gomme sebopiwa se sengwe le se sengwe se lego legodimong, le lefaseng, le ka tlase ga lefase, . . . se se bjalo ka . . . ka gare ga lewatle, le tšohle tšeо . . . ka go tšona, di ka go tšona, di kwele nna, ke re, Ditšhegofatšo, . . . tlhompho, . . . letago, . . . maatla, di be go yena yoo a dutšego godimo ga terone, le go Kwana go ya go ile . . . (Amene! Amene, le amene! Oo!)

Gomme dibata tše nne di rile, Amene. Gomme bagolo ba masomepedi nne ba wetše fase le go rapela yena yoo a phelago go ya go ile le go ya go ile.

²⁹⁹ Bolela ka megobo, bolela ka nako, ge Kwana yela e be e sepelela pele! Le a bona, Puku ebile e tswaleletšwe ka Legodimong, diphiri ke tšona.

³⁰⁰ O re, “A leina la ka le gona?” Ga ke tsebe. Ke a holofela le gona. Eupša, ge le le, le beilwe godimo ga Puku pele ga motheo wa lefase.

³⁰¹ Eupša selo sa pele, seo se emetšego topollo yela, go tlie Kwana ye e bolailwego go tloga motheong wa lefase. Gomme O tšere Puku, (letago!) o butše Puku, le go kgeila Mahuto; gomme a E rometše tlase lefaseng, go morongwa wa Gagwe wa bošupa, go E utolla go batho ba Gagwe! Ke lena bao. Oo, nna! Go diregile eng? Megoeletšo, mekgoši, dihaleluya, batlotšwa, maatla, letago, ponagalo!

³⁰² Gomme Johane wa kgale, yo a bego a eme kua, ngwanaborena, a lla! “Gobaneng,” o rile, “se sengwe le se sengwe ka Legodimong, se sengwe le se sengwe ka lefaseng, le se sengwe le se sengwe ka lewatleng, se nkwele ke goeleta, ‘Amene! Amene! Ditšhegofatšo, tlhompho, le thata, le maatla, di be go Yena yoo a phelago go ya go ile le go ya go ile.”

³⁰³ Bolela ka nako ya lethabo, ge ona Mahuto a kgaotšwe! Johane o swanetše go be a lebeletše ka gare gomme a bone go feta garetene ya nako, gomme o rile, “Johane šole.” Oo, oo!

³⁰⁴ O be a thabile kudu, go fihla a rile, “Se sengwe le se sengwe Legodimong.” O swanetše ka kgonthe a be a lletše ntile, a ga se a ke? “Se sengwe le se sengwe Legodimong, se sengwe le se sengwe lefaseng, se sengwe le se sengwe ka tlase ga lefase, sebopiwa se sengwe le se sengwe, se sengwe le se sengwe gape, se nkwele ke re, ‘Amene! Ditšhegofatšo, le letago, le bohlale, le maatla, le thata, le mahumo, ke a Gagwe.’” Amene!

³⁰⁵ Gobaneng? Ge kutollo e etla, Kwana yela, Molopolodi, wa Lelokokgauswi wa rena, o be a tlie morago go tšwa Teroneng ya boboelanyi gomme o be a sepeletše ntile mo go tšeа lefa la Gagwe.

Ka pela Kwana e tla tšea Monyalwa wa Gagwe
 go ba ka mehla ka lehlakoreng la Gagwe,
 Ohle makoko a Legodimo a tla kgobokana;
 Oo, e tla ba ponagalo ya letago, bohle
 bakgethwa ka bošweung bja go hloka
 sepatso;
 Gomme le Jesu re tla rena ka Gosafelego.

Oo, “Etlang gomme le je,” Mong o a bitša, (Go
 Lentšu!) “Etlang gomme le je.”

³⁰⁶ Oo, ke—ke—ke hloka mantšu, le a bona.

“Etlang gomme le je, etlang gomme le je,”
 O ka kgona go keteka mo tafoleng ya Jesu nako
 efe kapa efe, (Bjale! Eupša ge A tloga, ga go
 kholofelo.)

Yena Yo a fepilego lešaba, o fetoletše meetse go
 ba beine,

³⁰⁷ Yo a boletšego, gore, “Yo a dumelago go Nna, mediro ye Ke e
 dirago o tla e dira le yena.” Oo, nna! Yo a tshepišitšego dilo tše
 ka matšatšing a mafelelo. Yo a boletšego dilo tše. Yo a lego bjale
 ka nakong ya kutollo ya dilo tše di dirwago go tsebja. “Etlang
 gomme le je.” Oo, o se ke wa E foša, ngwanešu.

Bjale a re inamišeng dihlogo tša rena motsotso feela.

³⁰⁸ Gosasa bošego, ka mogau wa Modimo, re leka go kgaola
 Lehuto lela la Pele, ge Modimo a ka re ngwathela Lona gomme
 a re dumelela go bona se kutollo ye e bilego, “e utilwe go tloga
 motheong wa lefase.”

³⁰⁹ Pele re dira seo, mogwera modiradibe, goba moleloko yo
 bolelo wa kereke, a le no ba le boleloko ka kerekeng, goba a ga
 le ne boleloko? Gomme ge o na le boleloko feela, o tla ba gabotse
 kgauswi go loka ntle le bjona. O hloka Tswalo. O swanetše go
 tla Mading. O swanetše go tla go se sengwe seo se no go bea sebe
 kgole, go fihla go se sa na go gopola ka sona.

³¹⁰ Ge o se wa dira tokisetšo, le bjale, go kopana le Kwana
 ka moyeng! Gomme ka maatla ke neetšwego ka thomo ya ka,
 ke filwego ke Ramaatlakamoka Modimo, gomme a ntiretše ke
 Morongwa, Pilara ya Seetša, ke a le laela, ka Leina la Jesu Kriste!
 Le se leke go kopana le Yena feela ka boleloko bja lefelo la
 marobalo la kereke ya lefase le.

³¹¹ Etlang, ge Mmoelanyi, bokgole bjo ke tsebago, a sa le godimo
 ga Terone, a dira dipuelano. Gobane, go tla tla letšatši ge o tla
 nyaka go tla, gomme go ka se be Mmoelanyi. Ka gore ge re
 bona iri ye re phelago ka go yona, ka go lebaka la kereke la
 bošupa, gomme diphiri tša Modimo di ba se di lego, ka Moya wa
 Modimo wo o hlasetšwego o laetša se sengwe le se sengwe seo
 A se tshepišitšego matšatšing a mafelelo, ke nako ye kae gape e
 šetšego? Mogwera modiradibe, etla.

³¹² Morena Jesu, diiri di gola go ba thari. Ebile go ka no ba thari go feta re nagana. Gomme re thabile go bona iri ye e batamela. Ke iri ya letago kudukudu yeo lefase le kilego la e tseba, go modumedi. Eupša, go mogani, nako ye manyaminyami kudu e ka tsogego ya ba. Ga se go kgone go hwetšwa mantšu ka go alfabete, maletere go dira mantšu, ao a kgonnego go hlagiša bothata le manyami ao a letšego pele. Gomme le wona ga go mantšu a a ka kgonago go bopša, go tšwa go alfabete ya rena, go hlagiša ditšhegofatšo tše di robetšego pele ga modumedi.

³¹³ Tate, go ka no ba ba bangwe, bošegong bjo, fa ntle le kholofelo. Gomme ke batho ba bohlale. Gomme bjale ge Madi a sa dutše godimo ga Setulo sa Kgaogelo, a nke Kwana e sepele go tšwa Teroneng, go ya pelong ya bona, bošegong bjo, le go utolla go bona gore ba lahlegile. Gomme ka diatla tša Madi, a re, "Etlang, ge e sa le nako ya go tla."

³¹⁴ Ke gafela Molaetša, Morena, ka thapelo ya ka, go diatla tša Gago. Dira e ka ba eng O e ratago, Tate, ka Leina la Jesu.

Ka dihlogo tša rena di inamišitšwe.

³¹⁵ Ge o se wa kgotsofatsa kgopelo ye le senyakwa se! Ge feelsa o nno tshepela ka kerekeng ya gago! Go be go se selo se bego se ka kgona go lopolla. Ge o be o tshepetše go poelanyo ya mokgethwa tsoko, o sa lahlegile. Ge o tshepetše go mediro ya diatla tša gago, se sengwe seo o se dirilego, mediro ye mebotse, o lahlegile. Ge o tshepetše ka go—ka go thapelo ya mmago, goba toko ya mmago, tatago; ge o tshepetše go seo, o lahlegile. Ge o tshepetše go maikutlo a mangwe, maikutlo a rilego a go tlaba, khuduego e rilego, ya go bolela ka maleme, goba go bina! Ge seo e le sohle o tshepetšego go sona, gomme ga o tsebe Kwana, ka sebele, ga o Mo tsebe, gona, ke go laela pele ga Modimo, go lokiša selo seo, bjale, le Modimo.

³¹⁶ Tlase ka pelong ya gago, rapela. Gomme e no ba bonolo, gobane Modimo o ikuta mo bonolong. Le a elelwa, Beibele e rile, "Ba bantši ba ba dumetšego ba okeditšwe."

³¹⁷ Gomme ge re sa le rapelela, ke a tshepa gore le tla dira (sa lena) sephetho sela se tee sa Gosafelego, "Morena, ke tla re, 'Ee!'" Gomme sephetho ke "letlapa." Eupša ke botse bofe letlapa ntle le moagi wa letlapa yo a ka kgonago go le sega, go beakanya moago, go lekanelia moago? Gona, anke Moya wo Mokgethwa o go ripe go tloga go se o lego, go ya go se o swanetšego go ba. Ge o no ba moleloko wa kereke yo mothathathata; ge o le modiradibe; e ka ba eng o lego; ge o se na le Kriste, ntle le Moya wo Mokgethwa, Modimo a go fe khutšo, bošegong bjo.

³¹⁸ Bjale, Morena, ka go hlweka ka fao ke tsebago go tla bjang, le ka—ka Lengwalo ka fao ke tsebago go tla bjang, ke tla bjale le ba ke ba gafetšego go Wena, le Lentšu. Ke a tshepa, Morena, gore Lentšu le hweditše lefelo la Lona ka pelong ya batho, bošegong bjo.

³¹⁹ Ge go ka ba ba bjalo mo ba sa tsebego, goba ba se na le netefatšo yela ya Bogona bjo bose bja Moya wo Mokgethwa bo dulago ka bophelong bja bona; gore, dibefedi, goba go hloka kgahlego, goba go rata go ikhola, goba se sengwe se ripile Selo se segolo se go bona, gomme se ba thibile go tloga go Sona; goba thutotumelo tsoko, goba—goba—goba maikutlo tsoko, a ba thibile go tloga go bobose bja kopanelo ya Modimo; gore bjale se tla tlemollwa!

³²⁰ Le gore Kwana, yola wa Madi, wa Lelokokgauswi yo mokgethwa yola a tlidego a sepela go ya pele go tšwa Teroneng, tlase go kgabola Dietša tša sephiri tša mekgolokgotha ya Terone ya Modimo, o sepeletše ntle go tteleima bohwa bja Gagwe! Modimo, efa, bošegong bjo, gore ba tla Mo amogela. A nke sephetho se sengwe le se sengwe se dirwe ka potego, gomme a nke ba ineele bonabeng go Yena a nnoši Yo a ka kgonago go ba betla le go ba kgolokela ka go barwa le barwedi ba Modimo.

³²¹ Bjale, ka go thapelo ya go ikgetha, ke dira se ka tsela ye ke ikwelago go hlahlwa go se dira. Ka go ikgetha, pele ga Modimo, bjalo ka ge A inetefaditše Yenamong go wena. Gomme o be o se Mokriste, goba o be o se se re se bitsago... E sego—e sego mo—mo—mo motšoeni wa kerekelleina, eupša ke ra Mokriste wa go tswalwa gape. Eupša ka potego o a dumela Molaetša ke therešo, gomme ka potego o a dumela gore o ka kgonago feela go phološwa ka mogau wa Modimo. Gomme o a dumela gore O bolela le pelo ya gago bjale. Gomme o nyaka go Mo amogela, gomme o loketše Lentšu la Gagwe go—go go betla go tloga go se o lego sona, le go go dira se o swanetšego go ba sona. A le tla hlatsera sa go swana, ka go ema ka maoto a lena? Ge motho yola a le gona, gomme a nyaka go dira yela go lek—... yela ya go lekanela gohle, ema ka maoto a gago.

³²² Tate wa Legodimong, ga ke tsebe gape ke dire eng eupša go tsopola Lentšu la Gago. Banna šeba ba eme ka maoto a bona, bao ba ikwelago gore ga se ba be moo ba swanetšego go ba, komana bakeng sa Tlhatlogo ye, gobane e ka direga pele Lehuto la Pele re ka le bulelwa.

³²³ Gomme, Tate, ke a ba rapelela. Nna—nna, bjalo ka mohlanka wa Gago, ke neela thapelo ye go Mmoelanyi yo mogolo, Kriste. Ge ba rapela, ke neela thapelo ya ka le bona, godimo ga Terone ya Modimo ya tlou, moo Sehlabelo sa Madi se dutšego fale bošegong bjo. Gomme bontši nako efe kapa efe e ka tepogela go tloga Teroneng, go tla pele go tteleima lefa la Gagwe, gona ga go sa na kgaogelo ye e šetšego; ke kahlolo.

³²⁴ Efa, Morena, gore batho ba mo maotong a bona, bao ba emego; ka dipeleng tša bona, ba dira boipolelo bja bona, le go rata go dumelela Moya wa Modimo go ba kgoloka, le go ba betla, le go ba kgolokela ka go matlapa a a phelago, ka go Ntlo ya Morena Modimo. E fe, Tate. Ke ba neela go Wena bjale.

³²⁵ Gomme O rile, “Yo a tla Mpolelago pele ga batho, yena Ke tla mmolela pele ga Tate wa Ka le Barongwa ba bakgethwa.” Gomme bjale O dutše fao, ka bogoneng bja bohle, bošegong bjo. Gomme ba eme, ba ipolela Wena. Gomme, Morena, ge seo se etšwa botebong bja pelo ya bona, feela ka nnete bjalo ka ge Lentšu la Modimo le nepile, bjale O dira dipoelano bakeng sa bona, le go ba amogela ka go mo—mo mogau le dikgao tša kgaogelo tša Madi a go hlwekiša a Kwana ya sehlabelo. Gomme ba tla ba ba Gago, Leineng la Jesu Kriste. Amene.

³²⁶ Bjale, lena ba le bonago batho ba eme ka maoto a bona, lesogana le thwi ka *kua*, le bona ba emeletše, lena ba le ikwetšego gore sebe sohle le kahlolo di ile. Ke nyaka le no phagamela godimo, ba bangwe ba lena *kgauswi* le bona. Šikinya seatla sa bona, gomme o re, “Ngwanešu, ke tla go rapediša. Kgaetšedi, ke a go rapediša.” E no šikinya seatla sa bona, gomme o re, “Modimo a go šegofatše.” Gomme bjale ka moka ke ga seatla sa Ramaatlakamoka. E re, “Ke tla rapela, gomme ke tla dira tšohle nka kgonago go go thuša go ya ka Mmušong wa Modimo.”

...oo, go bitša lehono,

Oo, Jesu o a bitša, O bitša ka boleta lehono.

³²⁷ A le a Mo rata? A Yena ga a makatše? Oo, re tla dira eng ntle le Le? “Motho a ka se phele ka borotho feela; eupša ka Lentšu le lengwe le le lengwe le tšwago molomong wa Modimo, motho o tla phela.” Oo, mphepe, Morena, godimo ga Lentšu.

³²⁸ “Go se tlogele go kgobokana lenabeng mmogo, bjalo ka mokgwa wa basedumele, gomme bontši kudu ge le bona Letšatši le batamela.”

³²⁹ Modimo ge a rata, gosasa bošego, ka mogau wa Modimo, Ke tla leka, ka tšohle tše di lego ka go nna, go Mo kgopela go phopho-...go phophothela, gore sephiri sa Mahuto a, ge a kgaolwa, a tla kwalakwatša Lentšu la Modimo go batho.

Go fihla ke kopana le lena, Modimo a be le lena!

³³⁰ Gomme bjale ke bušetša tirelo go ngwanešu wa rena wa go hlomphega, Ngwanešu Neville, modiša. Ke ba bakae ba ratago Ngwanešu Neville? [Phuthego e re, “Amene.”—Mor.] Bjale, bohle re a dira. Etla pele, Ngwanešu Neville. Ngwanešu Neville, Modimo a go šegofatše, ngwanešu.



*BOEMAGARE MAGARENG GA MABAKA A
ŠUPAGO A KEREKE LE MAHUTO A ŠUPAGO* NST63-0317E
(The Breach Between The Seven Church Ages and The Seven Seals)
SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Matšhe 17, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org